


诗

青城集二



青城集目錄卷之三

詩

和督運金御史

載人

題銅柱軒韻

贈丹丘伯洪穉明

丹丘伯枉宿用唐韻共賦

澄清閣陪使相李公及洪太常

慎猷

同賦二首

玉山溪亭用杜韻共丹丘使君同賦

寄宇洪大師用香山天竺寺韻

東萊伯李公

義行

回甲晬日宴用唐韻

二首

同丹丘伯午憇萬歸亭

疊杜韻答玄川

次玉流子李汝亮

明淵

劒舞詩詠黃昌舞

清涼山敬和使相

二首

題清涼吹簫圖

和松巖李運之

奎應

遠寄絕句

丹丘伯投狀將歸用勿川

玄川一號

韻以贐之

聞李仲雲

漢鎮

盡室入洞陰却寄

三首

望辰樓落成東都尹金公

光默

丹丘伯清河蔡

倅

敏恭

來會丹丘倡韻同賦

東都尹遭中考徑歸不勝悵戀追送途中

二首

金正宅

基叙

自東都子舍返至鳥嶺觀漱玉亭

和蕪韻見寄

丹丘伯解官還山命駕赴將

永川郡齋見盆植鵲花盛開將悴拈韻同賦

彥陽金雲翼

龍翰

來畱數日用唐韻題其花葭

幽居

涓上金叅奉

弘洙

迺自南原見訪用其行軸中

韻書贈

和孫君述

升九

和松羅丞李汝朝

次宇洪大師雪中韻

元曉菴會藥南李景淳

憲洛

谷口鄭用晦

燔暨

李大有

鼎宅

李大集

鼎勳

東峰誨寬師亦來

尚州同主牧太湖及元受之

得鼎

丁穉磬

倪祖

用唐韻

興原倉見蟾江下流志感

雨中會羅子晦李士文

鴻祥

許公著

暎

共飲

詠許公著青藜杖

用壬寅酬唱韻寄勿川老友

和紫厓寄勿川韻

和白樂天中隱詩

雨中用杜韻

新之還鄉悵然有吟

同新之暨徐旂公

常修

用杜韻

復呈玄川

玄川侵暑入城老姊氏憫其衣弊爲製一布衣

以送之

玄川出豆湖舟次宿柯汀趙公裕叔

鎮寬

江榭

洪太和踵至卜夜觴詠送軸要和

三首

流頭日會朱溪京山及鄭季仁

元霖

朴遠甫

錫

用杜韻共賦

和朱溪疊杜韻

二首

送申令子壽

大年之官旌義

和朱溪

七夕後二日會朱溪京山炯菴李士文白永叔

東脩

柳原明玉流生雅娛竟日燕巖朴美仲

同趾源

後至逼昏乃散

重陽日太和使君送錢具酒會朱溪炯菴許公

著共飲趙景濂亦來用賈至韻

用前韻送懋官還積城

吳士默

淵常

見訪趙景濂亦至用邵青門韻

和玄川失婢作

應製蒙

特恩李典簿

集星

以詩見賀遂次之

芝溪朱溪與大澤申文初

光河

會小瀛洪聖幾

秉喆

宅賦緩字長句屬余和之

雨中赴樂院郎金蠡菴

履復

招遣騎邀朱溪聯

宿聽樂

嚶嚶齋金公挽

駱山園餞羅子晦歸湖鄉用杜工部送孔巢父

韻

疊樂院韻送海陽

朱溪一號

疊呈蠡翁

疊屬海陽

二首

北洞賞花花時少衰

疊和盤溪會下嚶嚶齋

和朱溪會葬盤溪韻

遠心菴雅集用心字

梅磴丈大祥日感懷口占

庭有高槐一株旁枝蒙翳可厭翦之竦然益奇

爲賦此

和南元平 公轍

和坏窩

和海陽東出時見屬韻却寄

書奉勿老

龍山舟中會李文素 英冕 羅子晦李斯舉 士文

李徽伯 義在 李若虛 英實 李士仰 泰永 李子

衡 英玉 申子長 錫老 徐汝五 旂公 尹仁之 善

大 泝泐竟日絲竹與俱

送羅子晦之官咸昌

送洪太湖赴謫忠州

李原州景淵

太原挽

送玄川翁還山七絕

奉送坏窩丈人南歸

用坏窩韻簡蠢翁

挽李若虛

和金稚圭

箕書

韻卽坏窩第二胤也

和一夢

二首

卜夜洪太和宅送其捲室下驪州

奉簡玉溪

紫厓一號

洪令

直廬雪後與張生燁用唐人韻

和柳士能弘之還山作

李鳳元漢喬自芸閣兼直太常

蒼巖朴尚書宗岳宅會申師中尚權燕巖申直

長光直懋官用老杜韻

送芝溪遊赤裳山

和南元平

和海陽見屬韻海陽方因事就理二首

和元平二首

和吳承旨載紹鐘巖作

送桂東沈景晦公著之官大丘

送吳令伯深

正根

赴官保寧

和隣院尹注書

永儀

評鄙詩作

雨中簡太和

和梨湖金稚圭韻

秘省雨中會燕巖太湖青莊

炯菴一號

古芸柳惠甫

得恭

貞蕤朴在先

齊家

玉流疊前韻

翌日又會

二首

疊前韻詠古芸貞蕤入燕行

疊詠貞蕤鼎器書盡

白蓮菴會京山斯舉金景訥

晦彬

子長共賦

辛亥九月之五日夢見遲齋先生講易至履卦

李運之同侍

憶松巖李運之淨溪李像之

玄川小菴會哭沈子承

景文

第乃其舊館也

白蓮菴會申叅判

光履

洪太和李景混

肇源

用

農巖韻

申叅判會京山太湖斯舉景混金應之

箕應

及

余於子長宅用農巖韻

蓮洞第三會

和海陽回庚作

聞坏窩喪訃志哀

青莊屋後紅桃卽我堂前也花開正供吾玩信

筆書奉青莊

奉寄太湖

仲子海運小科後江州伯葉西權台送詩見賀

和奉

和尹士廸

行順

江居韻

承

上命入內閣寫洗心臺

御製賡和軸於

東二樓四日乃訖李侍郎

集斗

先唱七律一

篇書用

御箋之餘金太初

義淳

李汝亮金

公世履喬三學士並會中人也次第和之終

屬之余

書硯

回甲初度日兒輩略設酒饌而余持室服不速
賓紫厓小瀛春州三洪老狎至竟夕用杜韻

李同福

奎亮挽二首

送太湖之官古阜

草坯窩行狀見海陽札

和海陽哀坯窩詩

內閣餞席得恩字恭紀榮感之私

致恩堂口占

得勞字

偶占

午吟

唁李知事

寬

落牛仍復嘲之

洪原道中

用杜工部詠懷古跡五韻

季夏

寄圓寂寺宇鳳禪師

謝性湛老師

至月二十五日夜夢謁 至尊覺而有吟

之官渭原經長津

龍林以下以雪馬行

渭原暮春

雲山道中

平壤外城

二首

郡齋偶書

高沙堡遇江界老妓巫雲書贈

青城集目錄卷之三

三

青城集卷之三

昌山成大中士執 著

詩

和督運金御史

載人

題銅柱軒韻

運粟千帆動嶺沿東關一路始炊煙王臣儼恪臨滄海民食蒼茫恃遠天驄馬自尋前度轍蛟龍爭護北趨船風濤利涉知誰力上有 恩綸日月懸

贈丹丘伯洪穉明

婆娑方議漆園高老入仙鄉意更豪流水官堤叅野饁杏花微雨試輕袍海風吹急鷄鵬翼山靄滋深虎

豹毛笑向鄰州仍自詫古人應亦似吾曹

丹丘伯枉宿用唐韻共賦

五馬穿來數郡花
長安笑語忽南涯
只愁雙鳥朝天迴
且許孤舟盡日斜
海燕將迴翻麥浪
河豚欲上長蘆芽
故園春事今何似
歸夢長懸種柳家

澄清閣陪使相李公及洪太常

慎猷

同賦

篁陰鳥跡錯成文
刺史庭幽不見塵
北海深樽常致客
南樓明月特畱人
雨風郡國涵濡政
憂樂江湖進退身
朱墨故多清淨暇
五千經裏更凝神

槐柳深深覆郭門
畫欄綳箔夕陰分
簷花半綻香侵
竿庭鹿孤眠夢入雲
掃地如須老君至
命琴疑有水
仙聞悠然更起田園興
雨意連郊鳥語紛

玉山溪亭用杜韻共丹丘使君同賦

綠竹青松挺幾尋
文元手植列森森
綠溪始辨漁樵
徑入室如聞琴
磬音俎豆千年瞻
大節煙霞一曲想
遐心詠歸臺上携朋坐
爲迓天風獨散襟

寄宇洪大師用香山天竺寺韻

夏木重重閉洞門
一蹊南北夕陽分
高僧獨避人間
暑病子孤眠海上雲
竹雨連溪仙梵接
松風度壑佛

香聞亦知琴鶴猶身累看取衣鞋出世紛

東萊伯李公

義行

回甲晬日宴用唐韻

翠梧高竹峙成林裘帶脩然畫閣陰窮微幸叅弧席
盛故家初見壽杯深閱來甲子周天步傳得忠貞報

國心剩許清名輝晚節肯教蒼髮愧華簪

李氏自廣平別派以

後壽周甲者惟公而完南忠貞公獨享年六十三云

其二

龜鶴初筵榮戟林夷官送酒石榴陰使君倚枕邊門
重仙子添籌海屋深杖几自來南極影衣巾故有五
湖心莫嫌絕塞同人少猶見隣朋到盍簪

同丹丘伯午憇萬歸亭

江上疎烟點午天
柳陰催喚繫籬船
紫薇照水村容炫
青草連雲野勢圓
急雨蒼茫平楚外
斜陽明滅白鷗邊
樓虛剩占清涼界
垂手危欄便着眠

疊杜韻答玄川

道人夏作大興客
榻外千峰森似戟
抱琴獨坐花潭月
觀瀑時倚朴澗石
溪簑納涼袂徑寸
山屐跨虛齒爭尺
興到題詩字如斗
詰屈蒼藤迸雲壁
玉溪老子舊酒徒
蘿帶相從古松陌
拄杖聊擇出林步
仙鹿猶畏世間射
餓死雲山亦云足
皓髮迎風潔於玉
志士

不拘衣食累丈夫寧辭溝壑辱獨隣造物酷持君貧
病年來乃交促菰瓜食力及鄰叟井厨流恩返逋僕
嗟我懷人已經年朱墨沉淹瘴海曲蔓城煙樹近莽
蒼故人風裁在松竹官田十畝秫向熟玉壺行將貯
新醪爲君醉連十紙書毛生雖禿尚堪戮

次玉流子李汝亮

明淵

劒舞詩詠黃昌舞

雞林童子姓名香樂府猶傳假面粧始至綽約如欲
笑少焉跳盪不勝狂初疑彩雲泛繡茵却驚飛燕掠
雕樑轉眄渾失雲燕狀但見花毬滾華堂猩紅戰笠
杏子衫半腰纔辨綠衣娘冷眼斜睨遽逼人尖袖輕

揜忽閃鉅滿堂陰森杯酒寒壯夫當之攝魂忙席間
倒灑燕趙風空邊橫捩斗牛芒百濟山河一投手半
月樓臺尚盪光翻身擲劒却躊躇繡襪猶沾滿地霜
惜渠生不壬丙際悍酋寧勞一劒當徒能技冠女樂
部只許嬌舞躡蒼茫青城老子別悄然蠻海歸來廿
年涼

清涼山敬和使相

十二峰高挿遠蒼文純遺跡入山長來從闕里衣紳
整睡寄禪林几席涼絕壑清泠通夜氣層巖洗削帶
秋陽洞門若有仙舟泝水國蒹葭正雨霜

其二

武夷泉壑少人知，雲在峰腰不外飛。
詎待桃花招客艇，正隨秋水抵山扉。

題清涼吹簫圖

清涼寺外月橫橋，岳色泉聲夜寂寥。
誰遣瑤簫飄一弄，不知笙鶴去人遙。

和松巖李運之

奎應

遠寄絕句

寒星撒海鳥驚林，獨對官梅坐夜深。
見說蟾洲分一夢，此間長繫兩人心。

丹丘伯投狀將歸用勿川

玄川一號

韻以贐之

送子先歸白鳥邊上元江榭月初圓徑拋海國棲遲
綏去作雲山快活仙退士只欣春入畝詞臣誰惜雪
盈顛薜衣行且從君後杭浙餘筒隔嶺傳

聞李仲雲

漢鎮

盡室入洞陰却寄

士也懷珠玉棲遲京洛間居然盡室去東有白雲山

其二

淵明慣避俗行止獨自如尚爲南村好臨去却躊躇
君則脫然徃隨身一簾書

其三

達士貴身逸不愁生理艱意超方外迥貌入畫中頑

水石橫簫去煙雲振筆還獨憐香社友遊戲尚人間
望辰樓落成東都尹金公光默丹丘伯清河蔡

倅敏恭來會丹丘倡韻同賦

水國蒼涼再起樓昔人先識戀君愁神仙故步披
塵聳湖海餘情枕郭流北極星辰通遠夢南州霞鷺
集清遊敢言下邑涓埃報多謝諸公信宿畱

東都尹遭中考徑歸不勝悵戀追送途中

綠樹鳴蟬悄掩關念公歸憶火雲間一行作吏知何
得山水東南壯觀還

其二

繁絃緩舞慘將離講武堂高月上遲且置東山殘妓
淚試看南峴萬民碑

金正宅

基叙

自東都子舍返至鳥嶺觀漱玉亭

和蕪韻見寄

聲妓場頭獨閉關此心堪處利名間荷衫不藉清流
浣漱玉泉崖一詠還

丹丘伯解官還山命駕赴將

琴鶴南來韻氣通始期歸轍亦相同紫薇幸獨招前
步滄海胡猶絆此翁三年寄傲遊方外百里將行到
月中見說東城先僦屋履坊寧少浙州筒

永川郡齋見盆植鵲花盛開將悴拈韻同賦

衰顏強對早鵲花驚殺春光洩老槎自是官盆榮悴
獨故山歸去萬枝斜

彥陽金雲翼

龍翰

來畱數日用唐韻題其花葢

幽居

獨鋤菜枿起書樓一郡溪山枕席收草坐閑基煙氣
夕柴門倚杖稻花秋揚雄宅邃全經秘孺子祠寒古
木幽種學家聲知有素更紆經濟到林丘

金生師徐進士錫麟

新翔徐祠

浪上金叅奉

弘洙

迤自南原見訪用其行軸中

韻書贈

獨携浮碧月，徑涉廣寒橋。興到輕千里，江山一馬遙。

和孫君述

升九

長松小塢碧，山周退士家居。一枕幽第，許前人高引步，不妨今世少低頭。剡溪暝雪蒼茫興，笠澤寒雲曠漠愁。江院月明春酒熟，後先鳴槳起眠鷗。

和松羅丞李汝朝

婆娑數樹對爲官，里社清歡復此間。星峴夕驂乘雪到，內延秋屐步雲還。遙憐葉令霜靴冷，肯讓芝翁紙局閒。獨恨連旬淹疾病，只憑魂夢見蒼顏。

次宇洪大師雪中韻

光明佛界玉煙籠見說心香炯此中大地山河渾一色未應清絕獨禪宮

元曉菴會藥南李景淳

憲洛

谷口鄭用晦

煒

暨

李大有

鼎宅

李大集

鼎勳

東峰誨寬師亦來

捫蘿一徑掛中峰剩許雙鳬涉萬松仙老筍輿催鶴引異僧金策隔花逢海聲浩蕩爭晨唄山氣清泠入夜鐘啼鳥畱人歸馬立洞門煙柳夕陰重

尚州同主牧太湖及元受之

得鼎

丁穉磬

倪祖

用唐韻

商山朝雨洗蘋花雲鳥歸程洛水涯官樹清泠還失
夏故人畱宿便如家蔗漿盈碗襟懷爽柿葉當檯筆
意斜將子文章隨地勝賸教朱噉藉光華

興原倉見蟾江下流志感

見說蟾洲水來經點易軒江流如宿昔吾道失淵源
故宅那重過全書幸獨存遲回歸帆底流恨漲山門

雨中會羅子晦李士文

鴻祥

許公著

興

共飲

巷曲秋苔綠墻頭早栗紅野饌生簾內家人自峽東
放毫雲氣裏傳酒雨聲中待購城陰第追廻企老風

咏許公著青藜杖

壽藤清過竹惟許散官扶獨挈神仙氣長親木石軀
暝音傳巷葉秋影伴庭梧待我同歸日田間拄不孤
用壬寅酬唱韻寄勿川老友

秘閣圖書閱世長仙藜猶復借餘光晴雲媚旭偏生
態老木含榮別貯香交契未嫌通雅俗宦遊何異在
山鄉庭梅欲放君來否且覆深杯答艷陽

和紫厓寄勿川韻

海內無多友林間有若人衣冠游世曠魂夢入山頻
月吐初生魄松持半悴身峽江通一舸應洩武陵春

和白樂天中隱詩

京山子書白樂天中隱詩示余宛吾居洛事也爲
步其韻志余之隱且以報京山

我雖居城市何異在山樊室有詩書娛門無車馬喧
釋褐三十年棲遲老一官寧知好爵榮但愛秘書閒
祿給春酤濫羶扶宿客寒官俸亦不薄歲用四千錢
公庭豁數畝怪石對南山賓朋幸不棄雅集敵西園
嘉樹蔭當戶落花燦盈筵醉豈忘公事暇則草野言
澗徑塵不涉林扉晝常關一切榮辱憂曾不到眼前
持比樂天隱吾猶享其全歸田固多樂處世亦何患
惟師展禽和自得鹿門安泊然名利外隱亦下中間

雨中用杜韻

端居誰與話平生獨飲方知出世情微雨似煙千樹
翳落花如雪半庭明常憐意氣齊南岳漫道朋遊徧
北城不是玄亭長寂寞試看書藉滿前橫

新之還鄉悵然有吟

送君纔兩日剛敵十年思細雨孤眠夜晴朝獨飲時
落花連徑遠啼鳥出林遲志士多新感還山說向誰

同新之暨徐旂公

常修

用杜韻

逢君始欲貰金魚已被壺觴慰索居芳草閉門雙
闕下綠陰畱客百花餘江山秀氣移官帖車馬囂塵

界院渠柿葉臨欄如掌大醉來聊試廣文書

復呈玄川

皓毛誰遣盡中長丹頰全勝酒後光野製自添驢背
竦市腥應避莧腸香帶來性氣知卿法住得身心便
我鄉上峽江山偏自好浩然今幸在襄陽

玄川侵暑入城老姊氏憫其衣弊爲製一布衣
以送之

老姊手中線當君慈母情製成連夏服衣送入山行
密縫因心整涼裾襲淚橫每年塵世轍知爲女嬃輕
玄川出豆湖舟次宿柯汀趙公裕叔

鎮寬

江榭

洪太和踵至卜夜觴詠送軸要和

諸公語笑曲欄頭
蠟炬瓠觴澹夕樓
五馬獨歸芳草徑
孤帆直泝大江流
水光四照當觀畫
魚性相忘勝狎鷗
想見晴朝孤倚處
角巾遙帶送人愁

其二

風帆獵獵半開頭
送別煙波悄倚樓
青草湖長雲影住
白蘋花發雨聲流
信陵賓客如孤燕
君復親朋有數鷗
判覺年來情緒弱
少時離酌詎含愁

其三

行舟欲發却回頭
珍重槐陰綠滿樓
此地壺觴猶左

席幾年歌哭付東流種蘭畝剩滋新菊放鶴亭高引
遠鷗恨殺芸香長絆直夢魂空貯水門愁

流頭日會朱溪京山及鄭季仁

元霖

朴遠甫

錕

用杜韻共賦

主人洗簪客忘歸簷樹雲生落雨稀夷惠行違身並
逸白蘇游玩道奚非隱文早幸親藜杖端友須勤擇
芟衣共許官樓堪避暑禁林蒼翠滿庭圍

和朱溪疊杜韻

也是城游等峽歸試看眉宇六塵稀吾衰尚足追前
猛彼是焉能悟昨非睡起林颺清泛席醉廻蹊露冷

沾衣近來苦被詩神惱無怪東陽減帶圍

其二

閒雲靜釋與同歸官閣清涼客到稀但見夷禽甘獨
善未聞牛李伏雙非穉孫亦解叅玄稿老婦惟知樂
縞衣怪石當軒如我瘦剩教叢荔半身圍

送申令子壽

大年

之官旌義

十年杜曲帶裘閒依舊東岡玉雪顏官籍忽通滄海
郡恩光不外漢挈山星憐皓髮先秋見橘比丹心
向日還賈傳南荒寧久棄佇看宣室促貽環

和朱溪

孤標那肯受人隣屈曲聊爲在世仙經有五千堪識
字酒須三百始論錢文章左海嗟同調風雨西城悵
獨眠水國蒹葭霜露遠客愁先聽報秋蟬

七夕後二日會朱溪京山炯菴李士文白永叔

東脩柳原明玉流生雅娛竟日燕巖朴美仲

趾

源後至逼昏乃散

風流詎藉晉卿廻巾幘隨羣草樹隈天下幾人爭此
席市南今日獨吾杯巖公未至仍居右溪老先歸復
肯來落落聲光相待久徑看顏髮畫中開

重陽日太和使君送錢具酒會朱溪炯菴許公

著共飲趙景濂亦來用賈至韻

省園秋色醉中長松石扶人共老蒼月朝故應先俊
及風流元自右文章酒錢清勝江州送庭菊寒添漢
署香從古雅游忘所挾五君生豈捨山王

用前韻送懋官還積城

孤雲將鶴出城長紺岳橫空夕照蒼佛地蓮蕉偕見
性道家龍虎會成章冥鴻不碍隨陽路秋菊還儲度
世香也許官樓當白雪更謀春釀待宗王

吳士默

淵常

見訪趙景濂亦至用邵青門韻

凍靄連空漭不開祇教飛雪制浮埃書叅碧落還傷

巧詩叶朱絃宵引哀官閣蠹兼燈火老禁林鴉帶
夕陽迴茶僮掃地延清屐先許蒼巖踞上臺

和玄川失婢作

去歲樵僮逋今歲汲婢去長者非少恩貧家自寡助
翁則不自憂反憐渠失處孰能推此心徧爲寒士慮
應製蒙特恩李典簿集星以詩見賀遂次之

掖垣星月照揮毫蟲篆寧期被衮褒下士亦叅鳴
國盛中書正藉集賢豪紫薇步武開仙闥丹批恩
光降選曹豈有文章千氣像微才獨幸聖明遭

芝溪朱溪與大澤申文初光河會小瀛洪聖幾

秉喆

宅賦緩字長句屬余和之

博帶褻衣制我俗行止笑貌故平緩左海山川縱狹
隘和鸞先車路自坦化國之日云舒長日豈因時有
長短只緣人心異所感寬促無端緩者罕未若置身
方物外枯木虛舟一靜散有時放歌出雲表直爲前
人舒憤懣我愛諸公早解此陶與之達叔夜懶小瀛
家在南山腰花木繞庭向初暖颯然巾舄會蘿徑並
是蘭亭竹溪伴主人娛客興已具一琴一棊酒一碗
張顛半醉筆意濃墨花如舞漲高館賦詩直溯風雅
盛游刃恢恢各中窺此間賓主已相忘龐家雞黍爲

誰欵泠泠更聽太和音靜夜松籟勝絃管造物特假
吾輩地世路崎嶇豈足憚緩步下山氣更舒兩腋春
風吹不斷

雨中赴樂院郎金蠶菴

履復

招遣騎邀朱溪聯

宿聽樂

雅樂蒼茫帶雨鳴驟看花氣滿城橫歛來春物噓萌
妙輸與伶官約束明湖海正催豪士轍詠觴猶藉大
家聲百年制作知誰待齊魯終須起二生

嚶嚶齋金公挽

先生大雅舊世德冠吾東道義文章後巖廊隱逸中

挺生惟間氣積學又真工禮樂徵三古範圍及四戎
永懷居洛意追步浴沂風不屑徵招士還甘抱擊翁
大心從忤俗直道正禔躬詎藉三公貴終躋八座崇
朝廷尊几杖山野仰幘幪羊酒 君恩重簾帷道氣
豐哲人今遽遠吾道此云窮俛仰悲先契低回憾後
蒙老成那復覲文獻忽焉空憶昔趨函席如親拜德
公起居叅巨嶽名利指高鴻撰屨雲生澗移床月上
桐習聞陶世論偏荷鑄人功競惜模楷爽空憐涕淚
同江湖畱性氣邦國失豪雄邈矣少微轍春山泫桂
叢

駱山園餞羅子晦歸湖鄉用杜工部送孔巢文
韻

挽子遐衫請少住春城四面花如霧老去看花花豈
久且指青青松栢樹颯颯清風吹髣雪那得提携到
歲暮海陽山川徑開眼雨後薺苗擁去路君歸猶足
帶經耘鹿門煙壠倘如故駱園樽酒第送君向後肝
膽向誰露東華傾蓋十載餘飽看人事足乘除冑作
衰年涕淚別還負平生易老書人生快意無窮達湖
海山林任所如

疊樂院韻送海陽

朱溪一號

海山歸思一琴鳴清夜幽泉入指橫斗祿何憐高士
餒寸心惟向古人明江湖故道無塵轍風雅遺詩有
正聲好是延陵觀樂地磬襄還倡魯諸生

疊呈蠡翁

一老詩先二子鳴雪樓餘興瀉縱橫林園酒氣添新
潤簾箔花光納遠明春後鶯鳩均有事夜來風雨便
無聲知公特主東山會醉後微吟半洛生

疊屬海陽

謾謾松風拂席鳴隣君眉髮欲秋橫故應具食畱元
直恐或耽眠失彌明江草送行愁雨色海鷗催返惜

春聲駱園剩馥如過麝沾丐唯應及後生

其二

點瑟鏗然借爾鳴輕衫聊復御風橫試看青筇歸三
泖何似黃冠入四明遼鶴詎無城郭戀谷鶯猶待友
朋聲只嫌詩道專車返畱取常談付老生

北洞賞花花時少衰

桃花強愛雨風遲畱着餘春貯上枝幸是衰翁來趁
此半凋還似半開時

疊和盤溪會下嚶嚶齋

煙洲曉槳爲誰鳴大老新阡隔水橫真轍久從空外

迴德星今向地中明江湖寂寞傷春色林壑蒼涼咽
夜聲白首猥追文獻後墓門相弔幾門生

和朱溪會葬盤溪韻

渡口芳草綠春潮正瀟溢竊比神仙舫寧待野史述
寥翁遽千古靈娶此江出綿芻有古誼病起強巾櫛
空山撫松檜恍如訪隱逸低回戀遺風錯莫惜遠日
聯騎當附尾臨壙憶登室師友道未亡惟期勗素質
遠心菴雅集用心字

去者無停轍居者有遠心詎使嵇呂駕徑違伯鍾琴
蠢翁與海老未見情已深及夫相見初歡翁若嗜淫

始遇於樂院雨夜聽雅音佛夕眩燈光仙家漲花陰
竹肉引枯桐魚果佐綠斟縱愛風流厚還嫌別愁侵
渺然湖海送徧攬老子襟安所罄余歡楓澗復盍簪
云有我家菴前輩所憑臨農淵互主席雲菊爛登吟
大雅尚未淪先跡此可尋維時四月中空谷集鳴禽
招呼杖屨伴列坐草樹潯或以小車至羽袂拂青林
再拜仙源廟遺像炳來今石門蒼蘚淨溪亭古柏森
堂構竇幽壑簷牖納遠岑岩嶢拜星壇仙路接井參
清厨設午供山泉注石甃伶奚奏琴歌流水正愔愔
感公玉振意珍重比南金晤言故未已林杪夕陽沉

永懷昔賢風長起後輩欽此心如相照環海卽同衾
依依別後想幽草視子衿形神不自拘行住孰汝禁
高山特在茲尚費睠顧忱况復友朋誼牽附等磁針
送行不如此巖穴便長瘖

梅溪丈大祥日感懷口占

粉署濃陰積啼鳥隔林喧時物正可欣爲誰獨摧魂
緬思梅翁故三霜忽已翻後生今安仰遺風未敢諉
昔公觀化初而余滯南轅及夫返京輦懷祿復久蹲
江山隔蔡州煙樹渺鹿門總帷違一哭流光隙駟奔
清塵翳几杖逝水眄棊樽槐翁亦千古遠望拭淚痕

風流邈然空里社更誰尊依遲夢中顏悽惻別時言
門楣仗佳兒簡策付肖孫洩哀終有日松栢鬱秋原
庭有高槐一株旁枝蒙翳可厭剪之竦然益奇
爲賦此

古槐高百尺峙我草堂側蔚然雲霧質橫作半空色
我家有長物彈壓巷南北獨恨附枝多蒙蔽半腰直
玉馬帶厖毳風姿減高臆附麗豈無態終嫌累挺特
呼僮亟剪伐快甚去蝨賊芟刈本非多氣格頓自飭
竦身忽改觀始稱君子植豈意正直姿還藉斧斤力
耘畝先剪莠正俗必去慝一毫苟點翳全體便薄蝕

願以嘉樹觀徧爲良士德

和南元平

公轍

玉佩冰壺較地分聚將光氣發之文風流賁世懷安
石清淨居官學老君岳色嶙峋支笏玩秋聲浙瀝剔
燈聞望中正覺仙家邇歸鳥依依入暮雲

和坯窩

以有心期照還忘信息稀天涯俱雪髮海曲一荷衣
達士無哀樂空言少是非晨星遙可數離索正堪歎

和海陽東出時見屬韻却寄

獨以冰霜骨重之錦繡腸海仙叅几舄山鬼愛文章

職務容疎放風流誰禁當古人經過處光怪與馨香

書奉勿老

樹老生花花更好可能人老復紅顏落來正待明春
事除是花身得再還

龍山舟中會李文素

英冕

羅子晦李斯舉

士文一字

李徽伯

義在

李若虛

英實

李士仰

泰永

李子衡

英玉

申子長

錫老

徐汝五

旂公一字

尹仁之

善大

沂

公竟日絲竹與俱

棹挾晴峰轉潮迎夕照通江湖多酒後絲竹在舟中
鳥噪歸驂動鷗眠釣渚空喜君倉米足頻喚廣文翁

送羅子晦之官咸昌

夫子湖海士簪紱豈所好况今衰暮節復嬰朱墨惱
君恩念先故甄復亦洪造二歲三遷官飛舄出南
道摧遲敢言勞報答悵未早嶺俗雖少渝儒風尚可
考莫言咸昌小前臨洛江浩檢湖春波灩翔鯉泛蓮
藻君今赴此縣地潔不容掃治民比烹鮮閑戶學柱
老但慮疎直性未甘耐濡燥委曲待隣宰纖悉理牒
藁氓頑縱宜懲恕視慎刑拷外此豈無戒持守亦難
保政當成德時逾宜惜天寶佛恩此足報神勞亦堪
禱與子游幾年衷言互傾倒賴君虛心受容我盡情

討過憂亦何傷快事每多悞獨恨金門外誰與議玄
草

送洪太湖赴謫忠州

道家乘除理君侯夙知之五郡若平步寧無一跌時
賴君甘蔭調郵罰止於斯寵辱安敢擇毛髮摠恩
私天心體予孝母老可遠離刑章略微告近地許
暫羈居停揀清涼鄉里逼黃驪澄江繞枕席白鷗供
游嬉家書付商船朝夕達漢師晞髮坐濃陰濯足弄
清漪令君自擇所孰如此地宜回思在官日膠撓不
勝疲而今始清便匪厄乃君禧稽首祝君恩魂夢

常北馳材猷用未盡雷雨降豈遲但惜黼黻具枉用
朱墨司諸郎定食報達士故自怡持此慰君謫情至
厭夸辭棘扉相視笑神韻動鬚眉君心假吾筆寫盡
平生持曠然湖海送西風返自涯

李原州景淵

太原挽

宣尼歎才難上世亦已然氣數後轉促俊士多無年
卓爾大雅餘爰有夫子賢世德既莫尊天材若相傳
降自星辰精來叅黼黻緣淹貫百家書被服集芳妍
發之文章境滂渤比涌泉餘事及書畫超悟亦無前
和鑾清節奏雲路信高塞平生伉直性肯受時世憐

正色斥僞儒清節儼自專激烈劉黃策何由達
細
羶清時幸身遭無如命之遭材高正自誤拙宦就誰
肩閑戶蓮池側衣帶澹無牽忽復飛舄去江海秋水
連只爲親養屈寧辭國華捐文獻淹下邑賢達失清
權巫陽遽下招精爽颯其旋高堂缺反面幽冤徹邃
阡來遲去還速造物一何偏藝苑神采減仙籍姓名
聯嗟我托世好生歿寸心懸靈芝草木悽山月獨娟
娟哀辭報冥漠逝者豈吾倦但期千載後知有一景
淵

送玄川翁還山七絕

龍門茅屋閑荒苔獨賴平生掌故才便被天關催
見召扁舟徑赴日邊來

其二

輿地登編聚石渠九重容汝上頭書老人旅食能
無苦珍重恩言問起居

其三

天點初從副擬承苑郎清散特相稱二年三徙偏
殊渥玄草于今讓獨升

其四

謝病東歸了宦緣復承恩除下江天米塵詎遣荷

衣染酒債還饒北海筵

其五

星海騰謠降聖年
異恩覃慶若公偏
緋袍特褁清泠骨
好是耆班玉立仙

其六

延英門外拜恩還
催喚回舟入故山
自詫今行歸遺侈
細君華誥賁荆關

其七

水色山光滿帆迎
一川魚鳥復尋盟
高人晚節勤收拾
歸卧田廬頌太平

奉送坯窩丈人南歸

坯窩金先生有道人也鐘鼎之側處若鷄鵠湖海
之濱返我荷蕙去就不見其跡哀樂不入其心夷
曠疎散自與世相忘上忽以壽爵起之恩波
及荒野矣先生爲肅命而來余復遇之城西顏
髮不異宿昔於其返也賦詩以送之

至言空在書聃魏隔千塵幸我少年日初逢有道人
不見今何久顏髮似舊辰天心念遺老江海煥
恩綸巾車拜命來清颼夾兩輪二子持杖隨星象
動穎陳問公獨何脩名福萃一身慈儉以爲寶早得

老君真澹然名利外安坐養吾醇芳容避腴祿柳惠
甘逸民此道天所貴純嘏可無臻湖山初返服鷗鷺
結芳隣臯禽響聞天紫誥起隱淪仙姿入脩門黃
綺亦王臣都人競聚觀車馬簇西閨威鳳暫輝世歸
鴈遽凌旻獨撫遐舉蹤惆悵坐秋晨涼天澹霜露故
里多松筠縱耽山澤娛寧忘雨露仁製公百歲衣年
年謁帝宸

用坯窩韻簡蠡翁

悵望江湖落照寒山翁今亦髭絲殘聖時緋玉欣
同列遺老鬚眉許聚看紫陌停車非久戀白門持酒

有餘歡鶴書定復招仙皓莫道人間會日難

挽李若虛

故應忘天壽寧復數窮通鬼唱千年後神交一水中
精華自厓迴樽酒逐人空寂莫西湖軸清晨泫此翁

和金稚圭

箕書

韻卽坏窩第二胤也

白門煙柳送將歸天際孤雲若有依退士移舟秋水
迴故人傳竿曉星微餘薰石署畱荀暫遠跡函關御
李稀認是虛襟無住着强將憂樂問行違

右屬坏窩

和一夢

故人荷蕙問何如絺綌迎寒已自疎獨愛江湖消息

近一秋重見滿函書

其二

江南衰草逗秋煙
宵絆仙車盡此年來鳳徑隨
歸鴈去夕陽疎雨白門前

卜夜洪太和宅送其捲室下驪州

蒹葭一路徑迷空
依舊梨湖漫浪翁去就宵誇懷玉
褐歸來不失販樵風黃花氣勁燈前識蒼髮心長酒
後同水調倍深京闕戀祇應還徃比孤鴻

奉簡玉溪

紫崖一號

洪令

飛鳧止鵬濤相因城郭歸來鬢更新
適見年華同作

客早知時命不由人白門秋草存亡感紫閣寒雲去

住身雅集玄亭容再過餘香長着廣文茵

洪令遽襄陽倅旋謫

康津趙文源家居白門而纔汲乃洪令之得意友也洪令前居南山下今又來客

直廬雪後與張生燁用唐人韻

雪木連垣峙寒鴉近夕還省中多白髮郭外有青山
墨守疑長病壺觀耐久閒待君江海表求我畫圖間

和柳士能

弘之

還山作

正識無官好真成未老閒紙窗殘雪裏茅屋古松間
貰酒尋蓮社觀棊入華山窮年容飽喫環堵摠歡顏

李鳳元

漢喬

自芸閣兼直太常

太常清直雪中長猶遜芸司被帽香美醞三杯差可
戀秘書千種最難忘煙霜皎潔扶官燭林木蕭森護
苑墻報答天恩知有道用才先許在文章

蒼巖朴尚書

宗岳

宅會申師中

尚權

燕巖申直

長

光直

懋官用老杜韻

酒徒今亦七風自竹林聞雨泥通夕屐爐鼎起春雲
宰相清如許山林迴可羣鶴銘畱半壁仙氣待平分

余書痊鶴銘一通袖
往會所朴公揭其壁

送芝溪遊赤裳山

白驢春更健湖左赤裳高物外千峰秀山東一士豪

柳舒寒食雨花發武陵舫勾漏仙方秘終應待我曹

和南元平

雕篆誰教抵白紛草玄猶續古經云官非適俗寧求
達道在忘言漫與文千劫虧成隣半悴四時涼燠愛
平分輕衫正擬從君後南麓清暉北岳雲

和海陽見屬韻海陽方因事就理

暇日耐從公府永春風肯與達人違不嫌階蘚侵衣
厚猶惜庭花侑酒稀暖陌輪蹄無倦跡夕天雲鳥有
孤飛後來名節尋常事看取圖書座上圍

其二

幸得身邊無物累，剩教頽卧太平時。
坐間有友知枯木，花下從誰倒接罹。
嶽色帶醺籠檻重，棊聲引睡出簾遲。
就中一罪差難貫，垂老衣冠乏敬持。

和元平

老許官忘芻醒從，客汚茵及今無事日。
甘作未歸人，雜蕊均含雨。
嬌鶯慣送春，招呼連幾輩。
林市一烏巾。

其二

漸覺推敲減，詩成厭苦吟。
江山無改轍，蟲鳥有聯音。
紫芝頻洗眼，玄草枉勞心。
隱几非吾倦，昭文早捨琴。

和吳承旨

載紹

鐘巖作

稱公林下情少試郭東耕草細驢初齧花深酒屢行
圃園甘送老仕隱互藏名契好追先志攀遊盡此生

送桂東沈景晦公著之官大丘

水亭絲竹瀉餘歡飛鳥飄然徑赴官墨綬再親朱鳥
影清樽猶住白山顏魯邦誦法惟縫掖漢吏循良或
惠冠尚憶曾從洪半刺紫薇涼雨聽琴還

送吳令伯深

正根

赴官保寧

老逾親養急官獨主恩深直道知同賦仁心可徧
臨祇應勤報效寧復問升沉鄰縣有仙老閒時倘一
尋

和隣院尹注書

永儀

評鄙詩作

我道元無謂公言或不然祇堪全雅好寧足取時妍
秘省招邀跡亭淵賞眄篇老君玄妙示陸地湧青蓮
雨中簡太和

隔樹秋蘭送夕薰太湖門巷以溝分一旬相阻嗔風
雨三泖同歸證水雲我事惟堪金袋解君家那共玉
流醺鶴銘真蹟從誰覓坏老書來亦古文

和梨湖金稚圭韻

忽迓清風至旋看遠岫晴夕陰孤鳥返涼露亂蟬鳴
道氣瞻遐舉英材待晚成此心隨月去湖海溯空明

秘省雨中會燕巖太湖青莊

炯菴一號

古芸柳惠甫

得恭

貞蕤朴在先

齊家

玉流疊前韻

風流頻接故人薰粉署清涼早許分林下琴樽涵夕
籟濟南樓館集秋雲晴峰忽聳叅新契紅頰相看訝
宿醺老去詩篇安所役只因書事備情文

翌日又會

亂蟬高柳夕陽薰一氣炎涼已半分雙屐慣穿連日
雨七人相對滿樓雲官閒正似偷長暇酒美惟應取
薄醺松石圖奇添爽氣熱河寧擅燕巖文

燕巖適畫松石一幅

其二

澹然眉宇澄生薰風格知從晉魏分
草色閑門憐舊雨藕花晴月夢朝雲
耐看珠玉形偏穢如飲醇醪意自醺
賴接芳隣添好事剩教聲韻聚成文

疊前韻咏古芸貞蕤入燕行

一行蘭蕙愛同薰海岱英聲二妙分
秋草訪人燕市雨夕陽驅馬熱河雲
劒頭霜電聯新彩毫末龍蛇帶舊醺
幾見星槎西渡鴨直須公輩動乾文

疊咏貞蕤鼎噐書畫

古松亭館玉烟薰光怪遙從列宿分
姹女長含丹鼎火翔螭交戲墨池雲
倪家清閨移珍玩越國香茶侑

客醺賴得燕裝收衆妙海東今亦集人文

白蓮菴會京山斯舉金景訥

晦彬

子長共賦

草徑媒人入翠微萬松圍處足秋暉樓虛澗籟疑長
住酒重峰雲欲倒飛岳下風流因子復洞陰山水與
誰歸此間且許支肱卧書畫堆中好息機

京山方擬
盡室入永

平山中永平
一號洞陰

辛亥九月之五日夢見遲齋先生講易至履卦

李運之同侍

先生已千載昨夜夢見之裁巾儼臨席燕坐似舊儀
未覺神明別還驚杖几移茅廬潔無塵林木暖芳時

羲繇復登案宿學未全虧講說及履卦舒旭下簾遲
傍有李子侍是亦我所思先生莞爾笑和氣藹鬚眉
曰有天門召今其作者誰道成無所傳君子所深悲
豈余魂夢間猶足證素期尚冀千載後知有我師資
憶松巖李運之淨溪李像之

高士不常有乃今萃一門松巖與淨溪比德則蘭蓀
職當置田野道足賁丘園曠懷望天宇癯容枕樹根
那將達士襟獨與古人論故應相視笑耦坐却無言
念我平生素行住沓川原重以坏翁故湖海益難諉
高秋木葉黃鴻鴈向南翻何由載酒去對飲溪上村

玄川小菴會哭沈子承

景文

第乃其舊館也

玄翁沒纔周已若干載人江關阻一慟我懷何由伸
及茲哭沈氏乃其小祥晨衆賓泫相吊如公始訃辰
念昔交公初偕涉日南津風流縱多與繩尺獨公遵
並舟浪華夕聯轡草橋春文章動蠻俗忠敬證海神
儼然儒先轍幸我躡清塵郭南容退卧林木靜無隣
經史蔚滿架弟子自遠臻棲遲枳棘叢有誰識鳳麟
平生友朋義惠好比天倫每挹紫芝眉欣瞻道氣醇
云胡徑長往甘與鹿豕親巖泉可怡性蘿蔦可華身
松醪侑木食澹泊足天真尚猶厭久處空外促飈輪

今來視公館清馥宿寒茵江山閼影響雨雪漭相因
哀辭未盡瀉禿毫復細陳送慰藥棘思悲同猿鶴呻
後我豈無人百世誦陳荀

白蓮菴會申叅判

光履

洪太和李景混

肇源

用

農巖韻

好山誠易識屢過若新經岸草紋牋濕崖楓落照橫
書傳秋樹法詩貯雪峰聲澗響鳴哀玉如人惜別情

曾與申公會於麟蹄三日
賦詩景混作古松流水圖

申叅判會京山太湖斯舉景混金應之

箕應

及

余於子長宅用農巖韻

清俸頻因雅集分鶴腴梅饜限簷曛庭園轍跡惟筇
屐林木精華半雪雲岳下棊樽堪送老田間雞黍別
招羣賴公重倡蘭亭稷王謝風流計日聞

蓮洞第三會

酒醖嫌多酌詩慳謝未能沉冥從泛蟻點竄耐成蠅
鬚髮年華競林園雅集仍澹然名跡外相對玉壺冰

和海陽回庚作

桑蓬舊甲回殘歲松菊新樽隔久要剩許仙籌添海
屋冑教真轍滯官曹書從遠道神情別詩到衰年格
力饒安得金篦催刮膜快看雙睫返秋濤

聞坏窩喪訃志哀

自涯相送涕交零湖海茫然失典刑
益部誰編耆舊傳江南不見少微星
神仙度世偏藏影龜鶴通靈便蛻形
剩馥長畱移舄處芸司別是草玄亭

青莊屋後紅桃卽我堂前也花開正供吾玩信
筆書奉青莊

擇地何嫌向背殊玩花人亦兩忘吾
一春開落尋常事但愛幽香寂若無

奉寄太湖

自失詩朋意便摧北屯花事爲誰催
明朝試入幽蘭

洞聊洩西門醉後哀

仲子海運小科後江州伯葉西權台送詩見賀

和奉

折處看新長癡兒亦小成棣凋空宿感蓮坼有餘清
濫擅吾鄉運動勤追乃伯名嵬章遙送賀真作後生榮

仲子乃繼亡弟後者吾鄉小科
每榜輒出數人今適吾兒獨叅

和尹士廸

行順

江居韻

養氣如春水養心如秋水清和之間可安軀茅屋臨
江子所倚滿腹詩書足華汝况復荷芰堪獨披

承

上命入內閣寫洗心臺

御製賡和軸於

東二樓四日乃訖李侍郎集斗先唱七律一篇

書用御箋之餘金太初義淳李汝亮金公世

履喬

三學士並會中人也次第和之終屬之余

綾帷春色漲仙桃更許餘香潤綠袍奉袂偕書雲漢
軸染翰先數鳳凰毛省中卉樹移筵靚天上星辰聽
履高醉墨兼張湖海氣風流終藉侍郎豪

書硯

此身堪比石頭頑頽卧芸窗忒耐閒墨燥毫勑都不
管硯池看作小湖山

回甲初度日兒輩略設酒饌而余持室服不速

賓紫厓小瀛春州三洪老狎至竟夕仍用杜韻
返景從誰挽羣仙枉夕扉杯觴畱款款歌哭遞依依
後甲翻廻捷家人趨走稀願住江山迹偕扶洛社輝

李同福

奎亮

挽

世德循良後宗風孝謹餘材賢兼有此時命獨何如
一縣經綸偃殘年粥飯疎季公專後事遺恨寄窮廬

其二

下從終婦職賢配特能爲日皦同歸誓霜淒並勒時
烈光榮戚黨芳馥閼簾帷外內通家誼憑公奏誄辭

送太湖之官古阜

賑荒如拯溺邦憂在嶺湖起君林下卧活彼海邊枯
理簿孤燈炯行農匹馬瘖只愁魚笋供千里隔親厨

草坯窩行狀見海陽札

龍蛇起蟄一窮陰獨有玄空養此心有道碑成無愧
色無絃琴在有希音暮年逾駛空懷曩團月雖虧願
若今忽訝眉間黃色現故人書自海山深

和海陽哀坯窩詩

謝舉因避世從仕爲泯跡隱非土室詭介異於陵瘠
處躬通夷惠求道間老易澹然丘壑姿玄中自生白
窮通一此操水火詎能隙文章特玄悟衆妙競來役

毫玄直游戲亦透鍾王脉 恩言燭涇渭 榮詰賁
山澤巾車肅 命廻清飈生兩腋荀陳在 聖世典
刑列方冊何由惠好從睠彼川原隔箕尾返真轍湖
海歛精魄去來不見蹤孤雲過空碧

內閣餞席得恩字恭紀榮感之私

雪庭獻賦勝梁園玄草寧期感 至尊猥荷朝端超
秩寵忽擎天上餞行樽辭章總藉陶甄力飲食偏霑
雨露恩報答 洪私知有道北州黎庶視同根

致恩堂口占

燕子來時風雨和長安不見奈愁何綠邊鼓角春仍

厲近海星辰曉更多報國心長憐老大催租政拙媿
婆娑東湖水暖新鱗躍分付漁郎理一簑

得勞字

稍省邊州簿牒勞杏花斜日捲簾高春星穿霧光猶
炫野火衝山勢更豪夢入宸闈耽午睡憂深民社
輟官醪文章銜世寧非愧虎豹潛居正惜毛

偶占

未信邊城僻海堧春來時物特嬋娟墻花引蝶滋紅
暈門柳藏鴉漲綠煙散吏基樽山翠合佳人環珮雨
聲傳蘭亭名勝知難並尚愛華軒簇管絃

午吟

官柳風微晝景遲
鶯鶯交語上簾枝
使君本自躬耕者
夢入田家問午炊

唁李知事

寬

落牛仍復嘲之

故鄉煙樹入春幽
杖舄還尋舊釣遊
政喜重迎歸柱鶴
那知徑墮出關牛
耆年尚有飛騰意
平地元多蹶缺憂
欲驗虛舟無片損
請君聊復醉登輶

洪原道中

郊原黍稷正催耘
草際棠花放晚薰
篝火獨餐孤店夕
籃輿遠度萬峰雲
山容欲雨巖先潤
海面無風水

自紋一路行休皆定分世間車馬謾紛紜

用杜工部詠懷古跡五韻

地勢遙通沙漠外 王靈早屈羯羗間
閔南文化馴 氓俗魚尹戎功勒海山
石罅埋深衝未出塞鷹饑久 睨絛還草房
仆碣無人識誰捧丸泥閑北關

其二

瞢騰午睡制秋悲忽遣魂歸到漢師
吏事豈曾衰老 物風流差足賁 明時
長天星斗扶閒步故國魚龍 識遠思海鳥
自應親白髮對臨清水不相疑

其三

青坊集 卷三
平遠山低入海門野紆溪抱自成村濟仁關外人煙
少肅慎城頭草樹昏戰地飛螢叅鬼火戍樓歸鴈伴
歸魂 清時戎政無長策邊事惟從退卒論

其四

龍飛舊跡關門徧豐沛休祥集 兩宮 原廟衣冠
游海上鼎湖弓劒閼雲中江廻特象章天漢松老還
兼閱劫翁仙李靈根蟠地大 八陵佳氣古今同

其五

崑崙正脉趨東北長白如孟倚斗高大澤三穿仍割
幅浮泡四擁不生毛克登步健侵東界木葉根深羨

後曹老子平生違一陟星槎偏愧博望勞

季夏

纖絺細葛不相猜一聽邊姬信手裁
稚鵲獨占官柳蔭餘花猶宿海棠堆
青林欲雨風先到碧落無雲月自來
振塞英威誰復繼白頭聊倚侍中臺

寄圓寂寺宇鳳禪師

秋來信息杳高僧清梵依稀涉遠藤
認取此心無內外開門月色閉門燈

謝性湛老師

問訊西峰入定僧幾年松下植枯藤
禪機忽與詩緣

動倘顧蘇州獨宿燈

至月二十五日夜夢謁

至尊覺而有吟

夢逐疎星入 帝傍枕衾猶濕 御鑪香騎箕故相

緣何待 天語琅琅玉漏長

故相卽李公宗城也
上教有所待故云

之官渭原經長津

薛罕雖云峻猶勝草嶺危四厓俱挺削一局獨平夷
國計防淵藪官居狎豹貍高麗徒設險林莽翳殘碑

龍林以下以雪馬行

雪馬扶行健冰江放溜豪遞來調馭特驅似峭帆舳

直轍追風駛輕箱觸石勞却依平道步徐下水門高

渭原暮春

三月前江雪水深渭城煙柳進輕陰官庭雜樹渾花
氣春岫高雲亦雨心簑笠遠叅西塞興絃歌還愛北
方音佛恩如海何當報頭上空悲雪滿簪

雲山道中

雙鳬故道夕陽橫暖草晴煙滿地生谷鳥孤鳴千嶂
寂汀花交映一江明野篙倚柳招羣涉村饁從猿趁
遠耕多愧雲陽民俗厚郡人猶復攔街迎

平壤外城

野勢句圓鏡面如故都形勝蕩平餘聚來一國中和
氣開出千年聖哲居院宇殘春花亂發井田微雨麥
初舒終嗟外域凋文獻八教徒看載漢書

其二

小艇乘潮穩輕衫匝野遲水清箕子井花暖乙支祠
武烈真王佐明夷亦帝師江山餘曠感駐馬夕陽時

郡齋偶書

隔江山勢列雲屏官閣朝朝爽氣停村墅夕陽牛背
赤塞門煙氣雨中青礦人耐暑偏葵袴蓼伍防秋半
鵠形賴世昇平唯苦此若曹那解沐

王靈

高沙堡遇江界老妓巫雲書贈

讀罷孫吳謾引卮
壯心虛負勒燕碑
白頭偶過臨江戍
閒聽雲婆詠出師

青城集卷之三

青城集目錄卷之四

詩

郡齋雪夜三首

謝羅子晦遠贐青海渭城二律

偶書二首

芝溪宋德文挽二首

謹賡顯隆園行幸回鑾日御製韻

送青松使君洪穉明

謹賡頒中和尺御製韻

白石枉宿用輞川韻共賦

和葉台詠鶴

承命入內閣編莊陵史補謹賡思陵行

幸時御製詩入編亦上命也

和肥園朴大圭奎淳詠潦歎

夏日

呈朴令

北營避暑會朴美仲李汝亮金公世公厚履載

公午履會金汝仁近淳得涼字

西池月中賞蓮憇天然亭復會美仲汝亮公世

汝仁而李仲存在誠亦至復用涼字

申文初挽

用惠甫韻寄海陽

用前韻寄京山

仲雲入城見訪疊前韻

楸谷李丈挽

初度日親友多來會用士宗韻

士宗至限韻書贈

洪稚明挽

菊隱洪叅判挽

詠園中蟠松

落齒次昌黎

贈眼

楓軒挽

二首

和海陽長篇三十二韻

雪月夜金濟翁

壽民

來宿彈九孔琴白石亦至

拈韻同賦

與白石同賦錢起韻

又用前韻

己未新元

奉贈成川韓使君

晚裕四首

題莊子

偶書

與柳士寅

協基

占車滄洲韻

趙元卿

鐘永

申漢叟

緯

携酒來會用昌黎韻

和奉菊菴洪公

圭輔

和海陽

入洞陰投宿京山所主令朴在先亦乘月來會

送申子長之任青山

海陽以桂坊至枉宿出詩用其韻答之

海陽京山太湖杞軒

申子長號

並會樊廬兼招琴笛

侑酒以歌用海陽韻

和永興伯李汝亮青海玩月五古各二

再用海陽韻

送海陽還鄉

小序二首

和海陽見屬

又書一律贈別海陽

和海陽自屬

和京山次香山病風詩

題琅玕居士金稚圭畫

二首

和俞蒼厓

漢雋

蔚珍叙懷詩

疊青海玩月韻屬海陽

三疊贈白石

和洪太湖羅海陽相屬古詩

承命賡進春秋畢讀後御製韻

和太湖贈海陽作

白石來宿共賦

京山來宿用杜韻共賦

簡京山

贈長孫憲曾

京山起國練入都將歸書此送之

和肥園

拈園字 二十二首

長至日口占

李叔典

經九

入洞陰過京山見其梅下畫篆眉

髮皓然宛是神仙中人聞之欣然徑賦示京

山

偶書

限韻試筆

舍翠洪尚書挽

三首

詠月復用園字

和金錫汝

洪運

回甲生朝韻

記夢贈元若虛

有鎮

次家督永保亭觀水操用昌黎韻

次吳兵使

載熙

見示韻

寄贈沁都少尹李公振

趾采

次海陽

二首

十月望日前一日夜會京山白石太湖玉流作

後赤壁之娛夜聽笙歌五鼓乘月步庭仍用

藏字韻時太湖將返驪江

辛亥冬夜就太湖宅共賦送其盡室上驪州今

又步送

用前韻呈太湖

和肥園新月韻

戲書

用白香山送樊子韻送北青歸人

太湖約沈景晦申子長來會茅亭

肥園一號

亦至共

賦

和德浦李公振

湖左志感

朴忠正松琴旣成柱以成忠文松二美相合風

聲益彰朴叔恒

民淳

有詩記之余亦謹步其

韻

和寄趙而晦

綱采

華陽書院二十詠依感興詩韻

癸亥至日

立春日招琴歌與娛

縣齋述意

懷古志感

青城集目錄卷之四

青城集卷之四

昌山成大中士執著

詩

郡齋雪夜

園松如我冷婆娑獨耐孤愁倡日哦江國蒼涼堆雪
霰塞天寥廓漲星河眼前成毀寧關數身外榮枯莫
問他一念攀依惟聖主五雲京闕夢中裁

其二

政拙心勞獨自憐強施威猛却淒然灾年吏職惟催
糴聖世民憂特在邊且耐公庭饒雀鼠忍教治道

效鷹鷂曉窻每祝來秋熟三白豐徵已臘前

其三

報答涓埃未有緣幾年閒守子雲玄敢憑恩寵希

文苑猶試經綸辦戶錢燕寢凝香通遠塞戍樓哀笛

動寒天道州勤悴誰當識愧我都無甫結篇御筆題賤臣策

券以恨不使翱翔文苑余於北青渭原並設戶錢故云

謝羅子晦遠贐青海渭城二律

寵餞開仙府恩光瀉墨池日臨青海岸花發白山

枝砮辨虞周貢臺標拓尹旗洪私慚未報窮塞但

長思

其二

主恩驚再誤邊馭詎猶人拙宦肩文吏榮資踵武臣
物華溪產硯壤寶礦生銀儉歲兼慳此民愁奈轉新

偶書

七郡人烟點點涼隔江山色半斜陽句驪霸跡九都
冷提督靈根禿魯長戰地草生偏怒氣戍樓星繞揔
寒芒衰年只有朝天夢猶趁春風入帝鄉

九都
卽今

江界李提督如松先祖始
居禿魯江上逃入鐵嶺衛

其二

簪紱秦城意已闌故山叢桂爲誰團宦蹤不踐朱門

熱友誼寧忘白屋寒風鵲懷孳移暖樹夜魚磨頰避

冰灘春來解認羣生意何地翔潛不自寬

夜來魚冰泮則磨頰

於灘石以去其癢
不過兩三夜則止

芝溪宋德文挽

芝翁徑葬抱川山靈氣茫然海嶽還文雅再凋元白
後俊英虛沒草萊間錦囊物色驚全冷玉局風流悵
半刪香社故人餘皓首斷雲關塞涕空潛

其二

早移春宅就吾鄉老去琴棊趣更長綺里衣冠欣共
隱鹿門煙樹愛相望驢蹄跌宕傾山海筆意飛騰溯

晉唐猶恨剡章低一擬巨源還失竹林狂

謹賡 顯隆園行幸回鑾日 御製韻

寢園遲返蹕靈雨滿春城 聖駕晨昏念天臨信宿
情周還瞻孺慕模畫見思成肅穆遵戎製溫泉優舊
程

送青松使君洪穉明

嶠南七十郡靈邃獨青松石老尋砂穴苔深葬鶴峰
使君春峽起飛鳥宿雲從老入神仙窟官兼木石蹤
水迎花外問書出劫前封紫綬山緣重紅樽道氣濃
僻隅揚 聖化隣社謁儒宗獨挈清凉宰旁聯太白

筇婦偕燒笋飯僮習採芝供倘念秦城侶霜髭減舊容

謹賡頒中和尺 御製韻

丕承金尺瑞靈籙萬年重徧與羣工法敷從九寸鐘
禹身畱聖度周髀量天容仗此中和柄方春御六龍
白石枉宿用輞川韻共賦

宿雨花生郭春宵月到關客衣清似鶴吾室靜於山
觀世闔闔內求朋木石間更喜雲公至畱盡一旬還
和葉台詠鶴

是家堪養鶴林木比山樊獨立寧慚影雙鳴不厭喧

籠聯名士換簾共主人恩還似逋仙宅翦奴與應門

承命入內閣編莊陵史補謹賡思陵行

幸時御製詩入編亦上命也

蜀魄聲遙月影寒湘筠恨結錦江灘萬年崇奉三

朝備兩地衣冠一體安神理屢徵隨駕雨寵光

均及酹魂壇微蹤猥玷編書局恩露偏教感涕漣

自肅廟英廟至今上幸思陵則必雨
莊陵設配食壇思陵亦命設鄭氏祭壇

和肥園朴大圭奎淳詠潦歇

蓄洩俱時令炎暘亦帝恩徧膏滋地力一洗際天根
睡鶴愁晨濕遊蜂愛夕暄枕邊迎霽色簷葉受風翻

夏日

盡日風簷獨據梧，滿庭紅蘚夕陰徂。
簾疎故待歸飛燕，樹老先容反哺烏。
三伏炎蒸元利物，萬籤書史正關吾。
田園樂事徵秋熟，葱麥家家競自腴。

呈朴令

坐忘三伏熱，高木滿庭陰。
日晏鳥頻下，秋生蟬一吟。
逸峰當子午，明月出房心。
別是君家爽，階前古井深。

北營避暑會朴美仲李汝亮金公世公厚

履載

公午

履會

金汝仁

近淳

得涼字

水亭徑借一蟬涼，蓮岫晴嵐拂面蒼。
澗草隨茵移夕

翠池荷傍筇進秋香樹陰靜綠依垣近人影橫斜度
壑長看取元龍湖海氣不妨兼泝浴沂狂

汝亮見以狂夫自嘲

故末句云然

西池月中賞蓮憇天然亭復會美仲汝亮公世

汝仁而李仲存

在誠

亦至復用涼字

今春花事敗年芳獨賴西池展晚香特地樓亭叅賁
飾新秋物色集壺觴露華承月通晨暎荷氣含煙泛
夕涼別有僊帆期後夜蒹葭人在水中央

申文初挽

伯仲偕鳴世文星聚一家皓髯偏古貌黃甲亦詩華

驥老寧求售鵠飢不受嗟漸看人數減投屐問巔涯

用惠甫韻寄海陽

海陽久不見時與夢中語癯容半憔悴短褐耐暑雨
清朝不忘君何遽盡室去瞽矇忽復炯筆畫似腕巨
尚看眉宇聳秋隼刷勁羽草樓今已遠湖右孰君許
每念嵇呂交千里卽門戶老去那復道書詩謾當譜
後曹如見求蘇黃特在古

用前韻寄京山

洞陰地清泠風珮悄相語商嶺紫芝春茗溪綠簑雨
偶然入城市乘興復歸去篆畫如玉潤巧思入纖巨

洞簫時獨弄仙汀舞臯羽親朋滿京洛有誰憶東許
白露摧庭蘭秋聲咽澗戶在亡俱塵劫成虧一琴譜
復來覓壺公於世閱今古

仲雲時遭
童孫憾

仲雲入城見訪疊前韻

入洛先過我坐到夕禽語棊樽送暮景衣屨涉秋雨
騎驢谷中出觀穫海上去彭殤曷云齊芥彌本同巨
一是蕉鹿夢榮觀薄於羽眼前倘了此城居亦巢許
會當理雪棹敲君薜蘿戶露菊初登採春蘭不盈譜
請借檀園手雙畫眉顰古

楸谷李丈挽

東山基酒盛淵源魯殿吾鄉見獨尊養得蒼松延皓
耦種來丹桂贈賢孫榮名自就高年籍完福終歸長
德門香社少年今白首忍看先執葬秋原

初度日親友多來會用士宗韻

桑蓬日月髯邊斜過景蒼茫忽已賒履道冠裳優住
世淵明詩酒幸歸家晴霄氣肅知將雪老木心長待
復花午酌畱人欣竟夕南山一半纈秋霞

士宗至限韻書贈

故人期暫誤孤月已全虧忽見枯筇影來投落照時
世緣低老眼山氣上疎眉常怪嗣宗達窮途費涕泗

洪稚明挽

秘省詩樽待我曹
結喉時放楚聲高
友朋情志窮偏重
湖海風流老更豪
嶠外郵筒花擁縣
橋頭驢策雪盈袍
眼前人事俱陳跡
魂夢猶堪涉遠濤

菊隱洪叅判挽

世好艱難際交情
老大時關河隨返
轍城郭問前期
凍屋疎梅發空庭
老柏垂餘公同此
讌歌枕五更遲

詠園中蟠松

斃屈凌霄氣偏成
滿地陰野姿通郭
迴山意入門深
偃蹇知何狀炎涼
一此心只教雷雨
夜聊作老龍吟

落齒次昌黎

輔車專司口唇舌競憐齒咀嚼損物多垂老亦可已
獨嫌牙關壞言食減容止却念初毀時寧知始豁耻
及今偏惡損爲是漸近歿盈虧固付物痛痒忒關已
嚙廢謾擇肉飲澀却憚水深根奪堅牢利器失朋比
居然缺六七落勢一一似餘存亦非少大嚼嗟已矣
羣生仗口食此物實綱紀忽爲風邪劫崩獎失常指
落亦無可醫剛固不足恃無齒或長年天壽豈係爾
吾意異諸人甘嚙遜瑩視彼此苟交換頃刻變憂喜
口眼雖異用肝脾互專美乞收半獎精廻明兩眸子

贈眼

我不恨齒落我不恨耳聾崩牙尚噉軟聵輪第息聰
只恨雙眸暗妨我晚年工在昔五十時已倩覈黠功
六十頓兩眊眩若煙霧蒙遠睇雖可辨咫尺便夢夢
安得換此觀專精書籍中向賦落齒詩亦以此願終
苦心空騰祝明神或鑑衷及編尊周錄猶仗半翳瞳
忽驚返故視雙睫歛前霧細察蚪蚪字了如辨蟻蠓
置書指掌間纖鉅一眇通經年了千帙常日未言曹
却視尋丈外還訝薄雲籠廻換乃如此得失將無同
幸盡桑榆觀冀補疇昔矇百家俱枕藉萬竅尚玲瓏

耳牙詎足恤衰晚亦自雄祝願今粗遂擡眼謝天公

楓軒挽

童弁交嬉抵白頭每逢吾友便無愁擇鄰遂結朱陳
好爲吏偕尋海嶽遊癯貌正堪叅古畫曠懷長似泛
虛舟詎知衰興窮前臘才遣蘿衣逼歲畱

其二

朱門蓬戶一欣迎直是無求勝兩忘刮盡浮華堪砭
俗掃除畦畛耐居鄉丈人雞黍畱陳迹後輩蘭梧貯
遠香半面華山餘涕淚秋來忍對菊花觴

和海陽長篇三十二韻

道爲知者伸人豈自爲材仕非他路進文不別體裁
側跡從鵷鷺安分守草萊豈惟衰晚籍元是下中才
病驥空慚鶴酸橘不美梅偶逐星槎去帆向日南開
老星如可摘滄海不滿杯冠裳多美慕翰墨絕嫌猜
縱非文物域猶足壯觀回豸冠叨近列 螭陛忝屢
陪老就芸香直頻迎載酒來著書藜燈靜觀世木天
恢寧爲聖門隸旬徇時論魁獨有黃溪老還徃剋日
催放言刊浮華耽詩重古排燕智奚工訴鳩巧反拙
媒此物偏可鑒吾道豈兼該雪舫家同泛伶鍾歿便
埋忽承芻牧 命遂出侍中臺報國慚無術徒踐二

郡迴得失俱外物疇奪我書堆北徙驚跡遠西歸惜
年頽吾東獨遺恨中土久腥埃國耻南城在皇恩
北壇嵬賴有尊攘錄猶出東海隈猥叅編校手空露
老醜腮忠良始魄動海宇尚心灰史法張袞鉞王
靈燁電雷西狩感重編下泉幸暗培高門敢獨厚正
氣並不摧抽管思鏤玉盈懷抃贈瑰宮商適相和風
節信同哀

雪月夜金濟翁

壽民

來宿彈九孔琴白石亦至

拈韻同賦

古琴清似玉聲韻集虛堂雪月偏相照牙期忽兩忘

節因鐘呂動心八舜文長坐愛彌明睡詩畱石鼎香

與白石同賦錢起韻

未論城市與山林幸是移家紫閣陰歲色正隨凋景
駛交情還待暮年深龍蛇按節初乘氣山海登琴便
住心莫道青雲多故友布衣祇自雪盈簪

又用前韻

手抱麟書出禁林天香先濕薜蘿陰尊周筆法扶
綱正思漢人情閱劫深直北誰湔腥穢氣小東惟解
孔朱心經年編校能何役慙愧朝端白玉簪

已未新元

元朝語鵲拂承塵似賀蓬門喜氣親每愧微踪叨
異渥更祈餘惠遍同人老婆添却慈悲念姪女還他
澹泊身芟服經寒如度世武陵煙樹又新春

奉贈成川韓使君

晚裕

十二峰前第一樓絳簾低拂百花洲神仙太守將春
到繡板題詩又上頭

其二

君恩特許住三年白傅全家了宿緣況是官庖親養
足笋魚清供滿江船

其三

桃花水漲沸江煙紅妓移樽月滿船獨許孤帆凌汗漫玉簫催喚洞仙眠

其四

藜燈校對借餘輝共帶天香出禁闈遽送雙旌分路去暮雲關外兩依依

題莊子

觸蠻猶屬不根論豕語龜譚太逼真豈有高賢輕罵世漆翁終是狹中人

偶書

湖海琴樽擁一樓等閑浮世泛虛舟只慚頑齒多先

哲蘇李前頭更進籌

李太白蘓東坡年皆六十六而余今年六十七故戲云

與柳士寅

協基

占車滄州韻

古松蒼峻伴凋顏花外頻迎杖舄閑入洛正同華表

鶴歸田猶有鹿門山兩家契好雷陳後四世勲名李

郭間今夕幸成炊黍會角巾畱待月中還

李郭謂李忠武郭忘

憂而柳氏方承四世之謚皆以武烈故也

趙元卿

鐘永

申漢叟

緯

携酒來會用昌黎韻

載酒羣尋嵇阮侶抱琴先問水山經欣迎雅契扶衰疾賸遣清談入窈冥霜菊肯隨黃葉墜夕暉聊借碧雲停諸君辱枉宜終惠繼此驢蹄復澗扃

和奉菊菴洪公

圭輔

老年偏惜洛園春花木榮凋閱眼頻尚擬崇樽追雅
會共憐衰疾悞芳辰溪雲特起催今雨海燕初來認
舊人且置塵寰遼鶴感第看仙髮一番新

和海陽

筆勢詩神待老成任他浮銜眼前更獨憐雞鶩紛爭
長猶喜盤盂早結盟雅道正堪娛晚暮愉詞自足答
昇平亦知古法違今用畱取餘光惠後生

入洞陰投宿京山所主令朴在先亦乘月來會
投老歸田並峽氓隔山相過尺驢輕澗雲窈窕凝寒

氣園木蕭森集夜聲皓袂初從塵外拂藍輿正待月中迎散仙行跡無人覓茗雪浮家亦避名

送申子長之任青山

峽縣寧嫌薄平生獨愛閑洗樽清澗曲駐鳥素雲間戶供安期棗官專謝眺山莅民無別法廉白可馴頑海陽以桂坊至枉宿出詩用其韻答之

寸心猶莫逆吾道未全非桂選徠商嶺林潛起建威日斜禽轉促春動雪華微王眷憐衰疾歸驂亦帶輝

海陽京山太湖杞軒

申子長號

並會樊廬兼招琴笛

侑酒以歌用海陽韻

城郭重過處遼禽正自哀親朋於我集絲竹爲君開
峽裏春生酒峰陰雪覆梅畱連真可意廻策未應催
和永興伯李汝亮青海玩月五古

病後雙眼昏如月食將旣忽見玉流生緋袍照雪衣
單驂過我宿官隸捷凍屏欣然動起色紙窻燭焰媚
揭瓮濁醪湧烹茶石鼎沸瓊章袖中出光氣益蒼蔚
謫宦問幾歲海山亦曾尉屈伸資龍蠖啼笑任猩狒
昔我宰青海土俗務勁毅任謗辦戶錢神用實過費
君何又到此蹤跡儘堪欬驥程蹙暫蹶鸞翮失高蜚

蕭然尚方舄徑自涉清渭三遷揔 異恩片語亦時

諱寧辭米鹽勞尚兼湖海氣試看瞿圖號君狂實自
謂文章遭放逐雅騷不怨誹獨提三寸管偏窮萬物
彙馮翊正試蕭雲中豈棄魏清秋玉宇高涼露洗星
緯皓月如期來羈懷此可慰視彼機巧人有甚竊瓜
蝟亦有尊足存那嫌兀者跣吏能稱其事如工食官
餽倘又加文飾威鳳領羣翡翠甘和節所受調鼎入腸
胃特立徵素養嘉木挺衆卉達者能辦此芬華豈足
貴第問天中月遍照同人未太湖如嬖詈和章益有
味君今增秩往旌蓋拂芾芾安用識時命藻績藉素

縉賢路本多艱少忽便入畏永雖豐沛餘今則一邊
尉關塞有餘憂魚尹所敵愾老物那能役風箴試相
乞

再用海陽韻

不待丁仙返人民已半非春鴻元有信霧豹自生威
契事新年數農功故壑微從今江海外鷗鷺亦光輝

送海陽還鄉

小序

海陽以桂坊官承 召入京以眼病告遞 冊禮
後特 命升資仍除敦寧都正給馬以歸並 異
渥也一世以爲榮賦二詩以送其行

六世春桂坊吾東罕有之 天恩特侈君緋玉耀當時亦有子孫計全經尚不虧持此報前脩喜君無愧辭

其二

從古銷魂處衰年送故人今吾獨不然臨別意更新
幸分山澤娛同值 聖明辰餘景永相照天涯卽比隣

和海陽見屬

一去判行休君猶念舊遊今來特 天寵三宿復吾樓
樓海嶽應相待飢寒不自憂琴歌聊盡意離別亦風

流

又書一律贈別海陽

十年離索感仙髻渺江山際
國暉輪慶徠君羽翼
班剩畱塵外轍相視雪中顏一謝
丹墀下清風滿袖還

和海陽自屬

異渥推先故霑君木石軀鬚眉都下怪緋玉衆中殊
祇愛聯心鏡寧愁瞖眼珠
淑鄉當輔世歸展紫陽謨

和京山次香山病風詩

六十八衰翁從他病日攻有窮還腹疾無檄奈頭風

易刮眼前霧難醫心上蓬相憐白傳後死在翠微中

附京山詩序 己未十二月余適患痰右股不仁

偶閱白香山病中詩序有曰開成己未余年六十
有八冬十月甲寅朝始得風痺之疾體癯目眩左
足不支余早棲心釋梵浪跡老莊因疾觀身果有
所得杜門高枕仍成病風詩詩曰六十八衰翁垂
衰百疾攻朽株難免蠹空穴易生風肘痺宜生柳
頭旋劇轉蓬恬然不動處虛白在胸中吾輩之年
俱是六十有八歲歲適己未病亦近似千載之下
可以相憐仍次其韻謹呈同庚青城座下

題琅玕居士金稚圭畫

湖山杳空明秋樹半紅綠虛檻爲誰開汀雲夜便宿

其二

水烟凝欲雨山翠暖將夕茅屋隔林多漁樵揔遠跡

和俞蒼厓

漢雋

蔚珍叙懷詩

余之官蔚珍今已三十一年矣石堂金公相定間
亦爲是官而沒焉蒼厓俞公爲三陟伯遊至此縣
思石堂及余作七言長律余爲和之亦長笛之感
也

湖海前遊不可諼獨畱飛舄引仙轅使君逝矣空文

藻真轍依然但夢魂城郭誰憐歸鶴影雪泥猶認過
鴻痕十年蓮渚存亡感惟有蒼厓此駕言

疊青海玩月韻屬海陽

節候春將盡時日望亦旣癯骨尚畏寒輕衫未可衣
獨憐趁科生泥雨困遠扉念彼南歸老春郭夜見睂
思君未敢言腸中熱欲沸容鬢病不改文章老益蔚
冥鴻暫儀遶海鷗自忘尉識路憐老驥貪餌笑蠢獬
有時懷激烈如通泣燕毅穆然返內視聲氣不外費
哀樂詎能入貧病未足歛憶君從宦時枳棘屈鸞蜚
尋常問交際猶自別涇渭未曾隨齷齪何虞犯忌諱

風埃縱眯眼詎掩眉端氣直是江湖蹤秋水渺所謂
進固無色喜黜亦不心誹及其返海曲魚鳥便同暈
沉潛艸玄揚淪寂煉丹魏方寸判冥昭天地一經緯
古來遐邇士詞翰以自慰繭牋淨於玉雞毫勁似蝟
萬品入冥搜椎剝甚黥跣寧主千軍餉肯受百工餽
布帛本勝錦鯨魚不數翡却笑侯劉輩苦吟謾擢胃
少海沾餘潤鴻翼起蓬弁晉唐畱風韻梁趙失尊貴
肅 命月值寅除官歲改未來惟感 君恩祿豈飫
世味胃班遽告病歸路野棠芾光華耀駟騎恩續挾
輕縐外物詎相妨衰年反多畏安用故將軍今多灞

陵尉每聽嚶鳥響徒自引遠愜兩分山澤娛相與享
天乞

三疊贈白石

故人歸何遽離樽幸未旣同是貧賤交緼袍與共衣
浩歌風塵外功名一樊屏王灘夜漁處篝火夢中燭
親厨菽水冷朝夕寸情沸出門何所見青山隔江蔚
春鷺但遷棲秋鶴不受尉詎以枯死麟敵彼餐笑狝
早服賢師訓直道正自毅生涯意實倦翰墨力偏費
每念先輩轍窮途也獨欵行裝愛節俠世代憶循蜚
平生辭受間清濟欲尚渭直性容疎放窮亦不自諱

弟又捫蝨豪兒復食牛氣飲求中隱侶家傳上人謂
居耐陋巷憂詩絕子瞻誹羊求本一徑王杜便同彙
宛邱侶秦黃中散殿漢魏塵琴悵鳳凰寒枕聽絡繹
環堵正蕭然斗酒孰相慰獨因疾惡性疎髯磔似蝟
有或師教違其心痛苦跣甘爲里塾師食力等匠餽
氣像取和鑿華采捨孔翡鼎實無過侈方能剝臍胃
惟是束薪歎蘭蕙混凡卉非無顯者友自少厭生貴
欣然眄庭柯梅竹獨安未衆妙玄又玄吾道味無味
欲畫山澤臞恨少宋趙芾春無乞半絲暑豈辦一絹
棲遲適自娛餓踣不足畏空爲太學生宵對公車尉

常愧茅容養偏懷子路懃願言興孝俗甘旨共分乞

和洪太湖羅海陽相屬古詩

著書思索減衰病強自恕每念疇昔交猶足視所與
海陽在南陬獨擅江湖譽柯汀履崇顯華聞振朝著
高則厭數會遠亦病曠處幸有太湖君隣芳已風飫
官在隱顯交居無負隔慮文采賁墨綬馨香宿粉署
老猶精力健書牘必親疏念君勤學初宵燈每至曙
吏部雲漢文花溪鳳凰語蔚爲王國瑞材堪衮衣
助徑自就蔭調天馬早受馭通才却小用劇地便暇
豫文學與政事進退足兩據米鹽寧爲累氛埃自逆

去低頭閱堆簿側身歛遠翫正愛令名永寧愁過景
遽雅集不曾後塵轍恐或預腴祿慚獨享靈藥願分
茹新春聚南郭晴雪妬風絮適遇山澤友歡同里社
醵深樽且相屬衰興有自沮道已忘得喪思亦合纖
鉅共是湖海狂豪氣故未除願泛茗溪宅甘爲李君
御邵車惟訪花龐叅不問箸五柳濃陰節來共醉石
踞

承命賡進春秋畢讀後御製韻

聖母澆宸讀姬文有是歟教成青邱始道在素
王餘二酉尊皇典三冬足夜書虞賡兼華祝年課海

籌如

和太湖贈海陽作

驥騮趨周牧鴻鳳集漢儀兩美於是合同聲自有詩
恩私幸共被去就亦俱宜豫章湖海士豪氣溢秀眉
太湖溫如玉賢祖典刑遺共攝青霞袂聯登白玉墀
世職尊商皓鄉望敬襄耆直一孤雲蹤南北信所之
差池千里駕惆悵十年思以我樗櫟質同值舜堯時
及今欣重遇幸與慰遠離精華尚映發寧爲失明悲
吾廬本靜寂諸老亦相隨雞黍爲之具賓主不知誰
澹然樽酒際方見世路夷何以娛雅集豪竹侶哀絲

意氣恣迭宕風流足淋漓太僕高世志官顯牧逾卑
所居觀所親山澤摠別知我輩俱鮮民朋儔卽墳簞
衰晚亦何傷蕙帶閨春垂襟期本相照風格互自持
海客徑南旋江漢客星移蒼茫戒前路寥濶問後期
榮光擁華門驛馬繫庭枝縱有劉龐侶那兼阮嵇卮
信息空數來魂夢獨遠馳安得玉山禾救彼伏櫪飢

白石來宿共賦

白翁來輒雨當旱倍須君宿麥方憂曠枯筇幸出雲
澗霏添夜潤菊酒漲朝薰只許衰羸物頻迎木石羣

京山來宿用杜韻共賦

驢蹄熟是家墻角愛餘花不寐聽晨雨忘言到夕鴉
禿毫遊世曠華髮入山斜袖裏回仙像歸張錦水涯
簡京山

現世如孤鶴還山信一驢獨專句漏勝誰問仲先居
佚老資寒斲魚深供夜漁祇須乘興到復宿草玄廬
贈長孫憲曾

羣玉天香濕獎氈一家文獻幸三傳小孫亦與編摩
役勝似童烏佐草玄

京山赴國練入都將歸書此送之

舜陟纔經練相看淚眼枯何由酬萬一未敢卧江湖

節物驚迴換交情慎步趨蟬聲滿歸路驢策不嫌孤
和肥園

未伏炎猶熾微涼夜始清祖迎元一理欣戚各何情
綠樹臨軒正晴雲繞郭平草花開滿地秋馥亦生成
拈園字

城南雲樹似鄉園雞犬人家絕世喧蘭委剩教香入
室菊遲先許酒盈樽煙霜濕袂憐將夕星斗橫簷悵
薄昏多事淵明勞遠想柳庄何異隱桃源

其二

屋後青山使我園秋聲多處息羣喧任教月色欺蓬

鬢肯許霜威侮秣樽過鴈不愁天路永歸鴉還愛夕
陰昏只憐榴杖依空壁幽興何緣抵水源

其三

一間茅屋在南園天籟盈簷不厭喧佳菊詎羞親短
髮醉楓惟解灸深樽獨愛年華停漆簡肯愁秋旭近
黃昏待君玩盡生成妙並攝詩神到化源

屬肥園

其四

一徑斜暉接杏園清溪上下鳥聲喧閑門綠蘚扶秋
屐古井寒星傍夜樽晚食堪醫清士病曙鐘剛破
禁城昏洞陰昨送仙驢返風珮泠泠不辨源

其五

九秋耕穫滿鄉園黃葉村深婦子喧道士行休風襲
袂故人雞黍月侵樽燕辭社壘應尋暖牛返田蹊每
抵昏早識清流稀出谷在山猶有未窮源

憶鄉園

其六

吾爲綺里子東園一局商顏共避喧百世無逃康節
易千鍾不敵醉吟樽煙塵自息寒鐘徹鴉鶴偕歸遠
樹昏半掬靈漿堪對飲此間多是醴泉源

呈肥園

其七

風流自詫勝弇園門巷初無富貴喧坐對岩嶢危岸

幘興移湖海特揚樽魚龍蟄耐滄江冷車馬行催紫
陌昏冽彼寒泉當服食後凋崖井亦靈源

其八

桔槔那足利吾園沮溺猶嫌渡口喧隱見從心安草
坐醇醪異飲憶污樽擁衾且耐天將雪秉燭寧愁日
逼昏愧乏傳家三萬軸對書偏想李長源

其九

薜荔蕭疎別起園寒天猶有衆禽喧城陰謝客常關
戶月下携朋特置樽北地那禁歌後泣東臯還愛醉
中昏江湖早問同歸路句漏仙舟願溯源

其十

煙霜樹木聚成園幽谷生風了不喧但使氛埃慙短
屐莫教瓶盎侮空樽燈光直接晨暉炯雪意還添暮
氣昏却向靜中看物理萬川明月本同源

其十一

蒼苔落葉覆空園樵採相呼不自喧
暝雪初明玄草牖秋香猶住令公樽
貧家續火常侵曙樂歲春謳每
趁昏從古南山多異境水窮雲盡向深源

其十二

蒼松蔭我紫芝園下有枯棋落子喧
天上不叅仙吏

籍世間那醉太平樽綠菹初發憐牙缺黃卷全拋惜
眼昏已遣形骸輸造化神遊獨入太玄源

其十三

洛花先數牧丹園花未開時客已喧豈若孤松扶植
杖更教叢菊照盈樽武陵流水懷長往雲岫斜陽悵
漸昏繼此其惟安樂老觀梅於世整襟源

其十四

數家砧杵響秋園巖穴相叅徹夜喧可使文章無剩
馥尚看湖海有餘樽城南寡耦真堪隱山北多陰故
易昏少小風流猶可再酒徒難遇趙文源

其十五

昔余獻賦比梁園
羸取虛名萬口喧
猥躡明庭陳謝席
特沾仙掖餞行樽
草箋獨寫銀臺夜
禁闥頻開玉漏昏
白首如今悲退筆
人間淚盡鼎湖源

其十六

閉戶高眠獨樹園
幾人車馬隔林喧
蒹葭水濶無歸艇
蟋蟀床寒有勞樽
蘿服清泠兼毳葛
紙窗虛白一晴昏
玄冬萬物皆真象
葉落川傾亦返源

其十七

林居頗似廣川園
却笑村童競果喧
尚怪衰年耽著

述更教窮歲屏杯樽先生玉貌憐全悴夫子蓬心愧
益昏邵易看來梅欲動一陽消息證泉源

其十八

書香聚得百家園累世初無博奕喧皓白猶堪班燕
齒青黃那復浣犧樽江山肅穆寧知凍松石蒼涼不
慮昏老倦益愁先業廢獨慚隣友問淵源

其十九

落照偏含背郭園衡門詎受熱蹤喧羣蟲啼送重陽
節一鶴飛過十月樽晚食自忘魚肉味雅遊寧問市
衢昏玄冬萬里同寒色始見明河露本源

其二十

落葉調刁響夜園冷風如化厲風喧客能畱詠佚劉
鼎朋亦來尋阮呂樽日暮空憐迷道曠海枯那洗醉
天昏文章一似昭回漢並作乾坤不竭源

其二十一

蘿薦連林對嶽圍幾人清寂幾人喧皓英微動陽生
閣玄酒初登日至樽橘頌何傷蕭選漏著神還藉蜀
莊昏欲知理窟無窮妙看取前溪混混源

其二十二

青溪一道繞林園閉影空山絕外喧天籟自噓聊隱

几雪威雖勁敢侵樽草玄歲積甘寥寂秉燭工專克
老昏猶有全經藏古篋泗洙東畔願逢源

長至日口占

形如槁木華全減病似維摩靜亦宜白傳無緣畱駱
馬茂陵何事愛文姬太空月滿傳神地長至陽生閉
氣時剩見韶光浮大宅秋濤今在迓春詩

李叔典

經九

入洞陰過京山見其梅下畫篆眉

髮皓然宛是神仙中人聞之欣然徑賦示京山
有客新從峽墅廻覲公巾拂傍寒梅洞陰自古多清
隱蚪蚪于今見特裁澗戶煙嵐連雪掩仙家信息涉

雲來脫然歸卧當如此嗟我羈蹤尚軟埃

偶書

去去西邊旭長從海底廻縱知明日在猶屬後天來
佛悵傳燈忽仙憐閱劫催幾人塵世裏能免螻蛄哀

限韻試筆

龜息啾噓寧出被鶴毛稀禿劣勝冠爛開梅不因人
熱特立松能閱歲寒世界殘枰燈下玩山河全面月
中看茅亭咫尺猶相阻愁見蘿蹊雨雪漫

舍翠洪尚書挽

映花前席共周旋從此交期五十年丹峽煙霞攀几

青坡集 卷四
杖洞陰巖壑葬神仙白頭剩洒同人涕青眼那迴異
代緣祇願兒孫繩舊好兩家書牘遞相聯

其二

雍容步履上星辰冠冕添輝黼黻身父子相傳安石
墅弟兄同醉樂窩春西樓繪畫真天爵後輩芝蘭又
國珍兩世懸車重警俗蟾江一路本無塵

其三

雲泥憂樂一懽顏每到高軒輒忘還小隱方能全此
好大歸猶復近吾山終教舊契推先見回憶孤標耐
衆訕獨許餘翁敦友誼總帷秋雨對潛潛

詠月復用園字

團圓桂魄出東園一轍王城禁百喧
剩許添開新歲景別教分照故人樽
海仙飛閣通生白山鬼幽篁徑
失昏滿地湖光如可掬詎知虛影是真源

和金錫汝

洪運

回甲生朝韻

西城烟樹負山齊知子幽居勝峽棲
獻賦猥追荆渚玉爲詩偏誦衛公主
一冠耐垢憐王綬五柳安貧賴
翟妻白髮滄江詩獨妙蒹葭歸艇待誰携

記夢贈元若虛

有鎮

往昔文酒會元趙每與俱秘省饒清陰
持杯輒相娛

有時聲氣萃驢策不待呼趙子多傑氣半醉神益腴
俗客不盈眸呵叱便若奴衰世幸有人談稜可立懦
勿老清介性眉髮特見殊平生蘊經術晚節卧江湖
遺直有定評柯汀語不誣二子偏莫逆形影動相須
亦有洪厓翁鼎會不曾孤思至每泫睫此誼今則無
居然存沒感白首坐黃壚昨夜夢見之頽然對兩趺
笑語纔俄頃風韻已座隅此會能無飲抽錢欲遠沽
莊蝶忽焉散華鶴亦何徂俛仰人間世嗟我子一軀
江山久空閬秋色滿墻萸祗應泉臺下猶自不忘吾
書贈元氏子含涕對空壺

次家督永保亭觀水操用昌黎韻

見敵未慣陸場角吾東所以比魯削獨賴船步借溟
迤昆明猶蓄漢旌旗鮮人習水善跳盪片舸又魚信
手爲寧陵義舉道未定北轂西桴勢相映五牙闔
艦工合離可汗之腰不難羈維臣忠武用克倭貞翼
良籌亦踵馳而今閱習猶未暇詎期艤衝學龍化書
生觀操膽自麤水使欄頭共醉呼試望燕齊界一幅
舟師猶足展遠圖平胡上策縱未得下亦優制錦纜
賊

次吳兵使

載熙

見示韻

片帆偕浮析木津以公儒雅特相親
盈虧世界畱閑跡次第邱山送故人
一夢猶分蓬海路雙樽卽並菊花辰
莫嫌桃柳兼秋老却喜因渠問訊頻

寄贈沁都少尹李公振

趾采

善易那言易公惟學退藏簡編雙眼炯
湖海寸心長道在乘桴路官仍泛菊觴
未須煩竹馬渚迂揔顛霜

次海陽

體瘦還嫌骨骼強只堪肝肺蓄凋陽
數朋湖海猶相待二子詞華信莫當
黑齒城頽徵浩劫丹心菊在耐嚴霜
愧吾穉辱槎翁顧錯比麟驂下大荒

其二

徑看霜剝與煙沈無怪衰年病日尋月出空驚林鶴
夢秋來還愛草蟲吟夕陰繞屋疑乘舫天籟生虛勝
奏琴便覺身心無一累緇塵先避薜蘿襟

十月望日前一日夜會京山白石太湖玉流作
後赤壁之娛夜聽笙歌五鼓乘月步庭仍用葢
字韻時太湖將返驪江

每從生白處還認室中藏竹肉娛神曠巔涯送客長
黃泥追古步玄草挹餘觴歲晏歸應早松蘿已及霜
辛亥冬夜就太湖宅共賦送其盡室上驪州今

又步送

雅樂寧辭別後空
獨憐南麓滯畸翁
數年洛社垂顛
雪十月驪江峭帆風返郭
奇蹤遼鶴近泣
弓餘恨蜀
鵲同溯洄誰辨
蒹葭路霜露中洲
聽夜鴻

用前韻呈太湖

惡道浮華一洗空
詩家惟有左司翁
勸君獨養中和
氣與我偕趨正始
風落葉寒山隨跡
遠滄江明月照
心同偶然相遇
翻相失去住真如
遞燕鴻

和肥園新月韻

鈎弦元一體
旁魄養全明
縮步乘陽進
微輪判夜橫

雪巖猶讓色春早共含情且置盈虧觀從渠特地清

戲書

雪峽纔聞埋駱馬春城更擬送樊姬樂天肯惜風流
減無累全勝未老時

用白香山送樊子韻送北青歸人

花凋始覺三春盡更見斜暉倒板扉南郭十年畱共
老北州千里送將歸海山如夢誰相待雲鳥同棲却
背飛我似耆禪餘破衲臨分重拂樂天衣

樂天送樊亦春盡日

太湖約沈景晦申子長來會茅亭

肥園一號

亦至共

賦

諸公起我病餘閒
况復琴樽宛在山
三夏炎蒸濃翠裏
十春風雨軟紅間
京華僦屋甘清寂
茗雪浮家慣往還
一枕悠然消衆惱
虛舟那識滯堆艱

和德浦李公振

林蟬吮翅倚風長
巷外蹄輪任自忙
夜月忽添牛斗景
秋花全勝麝蘭香
墻頭送酒分朝爽
松下圍碁共夕涼
蜀市沉冥堪遣老
少時朋亦避堂堂

湖左志感

少余能擇交湖右
若干人
坯翁最長我名德
炯超塵
交是友師并道則
易老親
玄悟自曠達
文識益雅馴

出仍鳴臯響歸復止藩鱗自涯勞相送清風灑角巾
依遲白門煙惆悵秘省春在邦元無惡入海亦有隣
家難從之舒薄俗賴以醇松巖特苦節白首甘隱淪
思以小學童守茲處子身視子從學處吾家及蟾津
清介固本性刻苦亦罕倫燈暈結踈睫趺痕襲寒茵
有時暗長吁生不太古淳才命獨何靳造物諒不均
宗黨有一夢芝宇未嘗嘖且置摛詞雄須看掇皮真
叙述老益勤文獻特自珍徑化還鄉鶴終孤瑞世麟
顯者求一面遐轍自逡巡嘉木蔚滿園秋果爛盈囷
是皆公手植務實獨何忝早知食力徐還勝活鄉陳

雙清在一門華耀勝璵珣海陽湖海士真意絕緇磷
脫然名利外如見葛懷民半醉騁雄筆光芒挿秋旻
曩有斥邪詩吾黨合書紳先見足牖世恨未達紫
宸常欣我輩遇肯許俗子因觀魚兩忘我炊黍孰爲
賓銘墓我無媿遺托况申申神交賴公等從我掃畦
畛窮山問伏枕滄海夢垂綸次第歸冥漠南天送涕
頻及茲來湖左煙樹隔水濱同歸固浩然後死忒悲
辛江南九辯餘夔後八哀新典刑猶可覩雲水漭無
垠揔有幹家兒琴書托付諄獨爲松巖憾螟蛉已再
臻廣陵雖徑絕我洋豈終湮疎星列遠霄斷鴈集寒

田此心如長在脩夜便復晨書之勉後輩世世若茲辰

朴忠正松琴旣成柱以成忠文松二美相合風

聲益彰朴叔恒

民淳

有詩記之余亦謹步其韻

不教絃策閱虧成爲有雙忠百世名
歿樹猶含霜雪氣良材先蓄海山聲
越東光耀遙相引鷺上精英宛復生
卓節正瞻摩斗峙月中如聞步虛行

和寄趙而晦

綱采

秋山歛氣竦秋水減痕平
出亦詩盈橐歸仍酒滿觥
夜寒蟲語靜江曠鶴來橫
縹緲迷煙樹猶知雪棹情

華陽書院二十詠依感興詩韻

維嶽降元精符彩徹高廣百世畱形像捨魯我焉往
小子嗟晚生高山幸復仰入室琴磬肅出戶月星朗
人生一是直黉倉適自罔此理無古今明者若示掌

宋子畫像

獨持天下正宗周幸魯中攘狄兼復雪晦老復成終
麟經秉此義一治後先同我唯華陽在猶足警羣聾
一治堂

粵若聖神皇玄中運握機脫我湯火中羽檄九天
飛亦粵崇禎帝天運一何違獨秉歿社義長成振

世輝乾坤一翻覆三光爲之微英聲獨至今江漢所
同歸

神毅二皇

緬懷春秋法天王不書出江南縱足王帝車豈往

役正義冠中夏遺廟峙東國况復萬曆恩列朝

報未畢獨戀楚昭德如覩虞舜跡每年三九月馨香

徹皇極

萬東廟

自從父師來尼聖欲居夷王風一委地周道草離離
先生獨何人此地特布茲貂裘閔御香麟筆載餘
洏方知魯縫掖全勝楚執珪大道懷千古端居制百
爲生爲舉國仰死爲沒世悲曠然朝暮遇君子尚庶

幾

草堂

衆星懸窮昊北極特爲綱是爲瞻星處千古泣秦良
雲章刻崖面虹氣跨石梁蔚然鸞鳳質皦如日月光
崩壞任彼刼流傳獨此壘鮮人捧之泣宛覩六龍翔
吾邦固東海彼美尚西方物理終必反皇運倘再昌
天狼倒南極弧矢儼北張琬琰并赤刀敬撫獨心傷

崇禎御筆

神皇眷我東竭力救藩封英威振朔雪毒螫縮炎風
七年兵始息神理實殲凶朝鮮從此活 帝德配彼
崇無言 帝何述淵默獨玄穹玉藻照冰壺逾於鑄

人功燁然黼屨像端拱服王公獨爲東國幸尋常覲
天容尚恨傳來晚鐫勒後尤翁猶教此山重如魯屹

龜蒙

萬曆御筆

間氣涵衆微渟峙比嶽淵燁如列秋星威如奮龍泉
先生後孔朱書亦尚儒先大字益雄健心畫鐵綬綿
所以主華陽清風長凜然直道正如此獨立不外牽

文正大字

始爲隱仙菴仙亦此山光及移煥章額百世所激昂
是亦尊攘意夷醜詎敢當中藏二皇筆衆星拱極
煌佛恩銘塵刹雲漢儼帝傍終見有來取吾道廣

西方

煥章菴

六師張有時玄嘿實總已江漢並武洸今爲我東紀
云何二天章流落此焉止思則誠無邪動則警非禮
炯然冰玉輝清若奉明水卽此優聖學雲漢足後

軌

雲漢閣

帝遣臣嗣昌督師整乾坤兼將保民意弁彼詰戎文
庸帥負主仁莫遏悍流奔滄桑恫一翻雲漢愴猶
存佛靈勤扶護光氣溢禪門嗟呼洪範師拯救義逾
敦

崇禎贈楊嗣昌詩

勁毫表羣哲柔毫正衆訛寸管叅萬幾王者藝何多

玉藻來東土書畫更幾何那將獲麟筆寫彼勅天歌

萬曆金管

昭曠集遐觀幽獨愜深省衡門隔魴鯉野服謝錦絢
自哭弓劒後君子感所騁賴有華陽居水石入管領
巖棲最孤絕斯文益蔚炳片舫纔涉飯清流截人境

巖棲齋

先生嗜鄒書浩氣爲之根著書高連屋師道閱劫存
東溟一線陽終破九州昏何幸晦菴集移貯考亭原

宋子大全板

在昔先正前仙佛擅此山天柱若神將屹爲一水關

長松拂面翠靈芝
照頰丹唯彼彩雲菴
棲鴿特騫翰
今依二聖筆
低視萬國難
憑止幸得所
長令佛地安

彩雲菴

日月比羣經
餘光牖衆愚
春秋最謹嚴
隻字詎落虛
前後聖一揆
書例古則無
孔經及朱綱
次第正世趨
同是丙辰歲
嘉惠燭迷途
草堂天香爛
吾東幸此書

內賜春秋

聰明似孔子
晦老信多材
詩亦繼風雅
藹然善根培
寧王選雅誦
牖世正路開
張此義理醇
正彼聲律乖
譬如列宿垣
北斗爲之魁
九原受此頒
寧不攢手哉

內賜雅誦

嵬嵬萬景臺是在洞左方
恰受西日照那堪北風涼
曩爲文正院巖岫儼升堂
及夫移棟宇過者尚色莊
傍招舞雩童共浴沂上湯
遺墟亦規矩典刑今可詳
堂斧又孔邇瞻謁衆趨忙
請看泰山巔猶有浮雲翔

萬景臺

恫哉黍離後皇稻獨我尋
豈關皂櫟兆還耐雪霜侵
二簋堪帝享一復見天心
芬芳自上徹稊稗敢並
任遂令裸將生悽愴益整襟
直以畎畝植高出廟栢
林

大明稻

念昔寒水翁親受老師言
死生均大義秋殺接春溫
廟院因此初訕侮任彼喧
一柱容高撐四海豈長昏
道德猶可述文辭敢憚繁
獨爲淵源重緣溪問道原

書院

癸亥至日

極陰長日交相薄二至端從一索知
子夜天心元不改甲朝春意已先期
堯冀望朔徵書遠羲易玄黃入
象奇世界輪回如是觀佛家還亦一斑窺

立春日招琴歌與娛

飛騰日月去人多臘後餘光更幾何
後夜庚申彭自

訴明年甲子絳先嗟朋從西社傳杯飲客帶南音按
瑟歌生菜登盤渾起色病夫聊趁立春哦

縣齋述意


世路元非窄人心枉自畛願居昭曠界長作逸休身
不憾天奚厭無求道益親只須敦素履保我太和春
懷古志感

山東湖右閬前期三十年中悵獨悲雪老雄才甘素
隱海陽豪氣發清詩荆南舊會丹厓在林下餘芬草
榭知後歿徒懷疇曩迹柴門煙樹峽江湄

山東臨古閭前賦三十年中
謝古志源

天孫駕臨東夏益曉只影
非寧人少珠自如風
主萊登盤戰步色錄夫卿
立春知

青城集卷之四



城青

二